



ამოიხ. 9



89  
1922/2

ა. შანშიაშვილი  
 ბ. აბაგვიანი  
 ვ. ძეგაშვილი  
 ი. უგალაძე  
 იასაშანი  
 ანწილ რუსაძე  
 კოკი აბაშიძე  
 ნ.  
 ნ.ნ.  
 კობა—ია  
 ძ.  
 დ. კასრაძე

როდამ. დრამა.  
 ძვილო. მოთხრობა.  
 ბარაკი. ლექსი.  
 ცხოვრების ტაღლებში. მოთხრობა.  
 მთის მეოცნებე. ლექსი.  
 სალაძი.  
 ი. გრიშაშვილი.  
 ძალიერის 300 წლის თავი.  
 ზ. ჭიჭინაძე.  
 თედო რაზიკაშვილი.  
 ღეო ნათაძე.  
 „ვინ არის დამნაშავე?“

ბიბლიოგრაფია • სელოვნების მატთანე.  
 ბარნოვი—სახართა სასძლო. რომანი.



# ალ. შანშიაშვილი

## როდამ

მომქმედნი პირნი:  
მეფე  
როდამ—მეფის მეორე ცოლი  
როინ—მეფის ძმა  
ჯუანშერ—როინის მეგობარი  
ელიზბარ—კართუხუცესი  
შანაგვაზ—მოლარე  
ცინო—შანაგვაზის ასული  
კესია—სეფე-ქალი  
თადე აზნაური—კარის დარაჯი  
თეონა—მისი ცოლი  
მსაჯულნი  
დარაჯნი  
ოთახი სასახლეში. უკან ფარდაა, რომელიც  
ბოლოს აიხსნება.

I

### მეფე და ელიზბარ.

**მეფე.** კართუხუცესო! გამოტყდი და მითხარი სწორე...

**განა** შენს თვალებს შათი ქცევა გამოეპარა? ნუთუ იმდენად მოჭუტდი, რომ ვერას ამჩნევდი?

ან ამჩნევდი და ეხლა ჰმაღავ...

**კართუხ.** ელიზ. ჩემს მეფეს ვფიცავ...

**მეფე.** შენს მეფეს ჰფიცავ!.. მე ეგ ფიცი ვერ დამარწმუნებს.

**ელიზ.** დიღო მეფეო! დაიბარე ბატონიშვილი და თვით დაჰკითხე!

**მეფე.** ვის დავეკითხო? ჩემს ძმას დავეკითხო? და რა დავეკითხო? დამნაშავე განა რას იტყვის?

**ელიზ.** მაშ, მბრძანებელო, მოითმინე და დრო გაჩვენებს!

**მეფე.** ახ! მოთმინება რომ შემეძლოს, რომ გარდვიტანდე,

განა ამდენს-ლა ვიშფოთებდი? ახ! არა, არა! მინდა გავიგო და დავრწმუნდე... მეც მოვი-სვენო,

სხვაც მოვასვენო... ძაფი სწყდება მოთმინებისა!

შენ შეგიძლიან სთქვა სისწორე, სთქვა ერთი სიტყვა:

თუ მართალი ვარ, ან თუ ვსცდები...

**ელიზ.** სცდები, მეფეო!

სისწორეს გეტყვი, თუნდ დახვრეტა ჩემი უბრძანო!

**წადი**, სარკეში ჩაიხედე, ჰკითხე ჰალარას, თუ შეგფეროდა ახალგაზრდა პატარძლის ყო-ლა!

შენ ეხლა ექვობ? ეხლა, როცა შენი ძალღონე სიბერის მჭლე სენს შეუტყრია, სახე დამქნა-რა...

დასხვა კი ახლად იფურჩნება, ახალ სიცო-ცხლით

შენ, შენ მოიდნე ერთი ცოლი! იგი მოსწამლე, რადგან მოგბეზრდა, ხოლო ეხლა—

**მეფე.** ფრთხილად, ვეზირო! (დამშვიდდება)

მისაყვედურე! მაგ გაკიცხვის ალბად ღირსი ვარ!

მაგრამ მისმინე:

მსურდა შემკვიდრე! შენ ჩემს ტანჯვას როგორ გაიგებ!

არ გყავდეს შენი გაგრძელება, რომ მას გარ-დასცი-

როც ამოდენა ზრუნვით არის მოპოვებული.

შვილი მინდოდა—ჩემი ძველი მომავლისა!

რა სასჯელია, რა სასჯელი! ვისი მაქვს ცოდო?

**ელიზ.** ცოდო მე და შენ ღვთის წინაშე დი-დი მიგვიძღვის.

მუხრან ბატონის ქალიშვილის წყევლა აღ-სრულდა,

როს შენს უფროსს ძმას, ქართლის ტახტის ნამდვილ შემკვიდრეს,

მუხანათურად გავუთხარეთ შავი სამარე!

**მეფე.** ელიზბარ ჩემო! შავს წარსულსა ნუ გა-მახსენებ.

მაგ ბოროტების ორნივე ვართ მონაწილენი...

**ელიზ.** ეხლა ისურვე სამეგრელოს მთავრის ასული,

რომელიც შენს ძმას ეკუთვნოდა სამართლი-ნად,

რადგან მშობელნი ქალისაც და შენი მშობელ-ნიც

ერთმანეთს შორის აღთქმას სდებდნენ ზეცის წინაშე.

და არც კი იყვნენ მათი შვილნი სამ-სამის წლისა,

რომ საიდუმლო ნიშნობაც კი გარდაიხადეს, ისე ჩავიდნენ სამარეში შენი მშობლები.

**მეფე.** ეგ არ ვიცოდი!

**ელიზ.** როცა ვითხარ, არც გამიგონე!

სთქვი: მეფე ვარ და ასე მსურსო!

მთავრის ასული შენს ძმას როინს ბედმა აღუთ-ქვა,

მაგრამ შენ ჰნახე ის ასული და მოგეწონა.

**მეფე.** მე იმისთანა მშვენიერი ჯერ არ მენახა.

**ელიზ.** და რომ ის ჰნახე...

**მეფე.** ახ ნეტამც კი სულ არ მენახა!

**ელიზ.** მისთვის მოსწამლე დედოფალი კანო-ნიერი!



**მეფე** (ყელში შივარდება),  
არ დასჩუმდები? მერამდენჯერ გამიმეორებ?  
**ელიზ.** ძველი ამბავი გავიხსენე შენის ბრძა-  
ნებით...

ეხლა რომ ექვობ და სინდისი ასე გაღელვებს,  
ამის ბრალია! თორემ, აბა, ძმას... ბატონიშვილს  
რა ცილს დასწამებ, მბრძანებელო, გარდა  
იმისა,  
რომ შენს მძლე ლაშქარს გონივრულად განა-  
გებს იგი  
და ჩემი შვილი ჯუანშერი ჰყავს მას მეგობ-  
რად?

**მეფე.** მოლარე ჩემი სულ სხვას ამბობს...  
**ელიზ.** იგი რას ამბობს? (სიჩუმე)  
მოლარე შენი ცრუ არის და ამპარტავანი!  
მას შენცა სძულხარ, მეც, როდამიც, ბატო-  
ნიშვილიც.

გოროზი გული მას არასდროს გაეწმინდება,  
რადგან მწირია და ვერ იტანს დიდბუნებო-  
ვანს.  
ეხლა კი მესმის! მაშ შენი ძმა მისთვის გაპ-  
ვზავნე  
მცირე რიცხოვან ჯარით ოსთა ველურ ქვეყა-  
ნას,

რომ იქ მოეკლათ აჯანყებულთ და ავაზაკებს?  
შენ ვითომ ამით შენს მეტოქეს მოიშორებდი  
და არ შესვრიდი ნათესავეებს სისხლით მაგ  
ხელებს!

მაგრამ როინი დაგვიბრუნდა გამარჯვებული!  
**მეფე.** ელიზბარ ჩემო! გამიგონე: მკაცრი ხარ  
ჩემდა!

**ელიზ.** შენ რომ გამხელდნენ და მხილება  
მკაცრად გეჩვენოს,

შენს თავს ემდურე — —  
**მეფე.** (მუდარით) გამიგონე, გემუდარები!  
**ელიზ.** შენ გამიგონე, თუ გსურს შენი სულის  
სიმშვიდე

და მოლარეს კი ყურადღებას ნულარ მიაქცევ!  
**მეფე.** მე მიყვარს ყველა — —  
**ელიზ.** ეგ არა სჩანს შენი საქმიდან!

**მეფე.** შენ არა ერთხელ გითქვამს ჩემთვის, ეხ-  
ლა მეც მჯერა,  
რომ ხან ბუნება გარდიქმნება ადამიანის.  
ჩემი ბუნება, ჩემი გული, ჩემი არსება  
მთლად გარდაიქმნა, რაცხან მთავრის ასული  
როდამ

ჩემი მეუღლე შეიქმნა და ჩემს გვარს ატარებს.  
მისაყვედურე ჭალარა და გარდასულობა,  
მაგრამ არასდროს თავი ისე მე არ მიგრძენია,  
როგორც ვგრძნობ ეხლა —  
თითქოს ხელ-ახლად დავიბადე. ჩემში სჩქევს  
სისხლი.

რა არის ჩემთან შედარებით ყმაწვილკაცობა?  
ეხლა ვარ სრული ბედნიერი! ეხლა ვარ მეფე!  
ეს ჰქმნა მისდამი სიყვარულმა და იმას ეში-  
შობ,  
რომ ეს სიცოცხლის წყარო ჩემი არვინ წა-  
მართვას,  
არვინ წამართვას ნუგეში და ჩემი იმედი!

**ელიზ.** შენ ექვიანობ და საბუთი?  
**მეფე.** საბუთი ჩემი ფიქრი არის, ჩემი ოცნება  
და ნეტა კიდევ სხვა საბუთი ნუ აღმოჩნდება.

ო, ესეც კმარა, ესეც კმარა ჩემს სატან ჯავად  
მაგრამ როდემდის? დასასრული ხომ უნდა  
ჰქონდეს?!

## II იგინივე და მოლარე შახნავაზ.

**შახნ.** ჩემი სალამი!  
**ელიზ.** (პირს იბრუნებს) ჯოჯოხეთი!  
**მეფე.** რას გაურჯიხარ?

**შახნ.** როგორც მიბრძანე, სანადიმო სუფრა  
მზად არის.  
შენს გასართობად დამკვრელ დასტას შევატ-  
ყობინე,  
რჩეულ სტუმრებსაც აშლილი აქვთ ღვინის  
სმის შალა.

**მეფე.** კარგი გიქმნია! მსურს დღეს ღვინი,  
თავდავიწყება.  
როინს, ჯუანშერს გამარჯვებას იქ მიულოცავ.  
**შახნ.** როდის-ღა იყო, რომ ჩვენს მეფეს სურ-  
ვილისამებრ

ხელს არ ვუწყობდი — —  
**ელიზ.** მან ლაქუცი უკვე დაიწყო.  
**შახნ.** მე ნამეტნავად...  
**ელიზ.** შენ „ნამეტნავად!“ სხვა-კი მეფეს ხელ-  
ფებს უბოროკავს —

ბარემ სთქვი ესეც.  
**შახნ.** აბა, ღმერთო!  
კაცს შენ უნდა ყელზე დაადგე,  
ელიზბარ ჩემო!..  
**ელიზ.** ჩემო შახნავაზ!  
(პირშებრუნებული უყურებს და იცინის).

**შახნ.** (მწყურალად) შენთან ძნელია ლაპარაკი!  
**ელიზ.** შენთან მით უფრო!  
**შახნ.** (ზურგს შეუბრუნებს და მეფეს)  
თუ ნებას დამრთავ, დედოფალსაც შევატყო-  
ბინებ!

**მეფე.** მე თვით... საქმეც მაქვს (გაღის)

## III ელიზ. და შახნავაზ.

**ელიზ.** აბა, პირდაპირ შემომხედე, დარბაი-  
სელო!  
**შახნ.** ჩემთვის არ მკვეთრობს ეგ თვალები,  
ვერ შემოგხედო.

ან და ისეთი რა მიმიძღვის დანაშაული?  
**ელიზ.** დიდი მიგიძღვის!  
**შახნ.** გამანსენე, მე დამაიწყდა!  
**ელიზ.** (ირონიით) დიახ, შენ დიდი გულმა-  
ვიწყი ბრძანდები, დიახ!

**შახნ.** (კილოს აჯავრებს)  
დიახ, ეგ ჩემი წლოვანების ბრალია, დიახ!  
**ელიზ.** (მკვეთრად) რა გსურს მეფისგან?  
**შახნ.** არაფერი! (სიჩუმე. თვალეში უყურებს)  
შენ ჩემგან რა გსურს?

**ელიზ.** მეც არაფერი!  
**შახნ.** მაშ ბარი-ბარ! კიდევ რას მეტყვი?  
**ელიზ.** ეთამაშები სხვის სიცოცხლეს, ბოლოს  
ინანებ!  
**შახნ.** ჩემი სიცოცხლეც, გეფიცები, მომბეჭრე-  
ბია,

სხვის დარდი ლა მაქვს?  
**ელიზ.** გსურს დაღუპვა როდამ დედოფლის!  
**შახნ.** (სიცოცხლით გულსატკენად)





მე ხომ არა ვარ ელიზბარი, კართუხუცესი,  
რომ შეფეს ჰსურდეს კანონიერ ცოლის დაღუპვა

და ხელს ვუწყობდე?

**ელიზ.** (შემკრთალი) სიდან შესთხზე?

**შახნ.** შენ სიდან შესთხზე: მე როდამის და-  
ლუჟვა მსურდეს?

**ელიზ.** რა ჩააწვითე მეფეს ყურში, რომ ასე  
შფოთავს?

**შახნ.** შენი სიტყვები:

„წადი, სარკეში ჩაიხედე, ჰკითხე ჭილარას!“  
გგონია, თქვენი საუბარი გამომეპარა?

შენ თვითონ აგდებ მეფეს ეჭვში! დიახ, შენ  
თვითონ!

**ელიზ.** ფუი სატანა! (წასვლას აპირებს)

**შახნ.** შე ქოთაქო! (ელიზბარი მწყურალად  
უყურებს. ხელს ჩაიქნევს და გადის)

შენ გეზიზღება,

არც კი მე მყევხარ სულში ჩასმული!

ბრაზით მოგიდნობ, როგორც შენ სხვა ბევრი  
მოიდნე!

ბებერ თავს ეხლა ილამაზებს...

არ გაპატიებ დამცირებას! დამაფიწყდება:  
ჩემს ქალს გვირგვინი სადღეოფლო დააკარგ-

ვინე.  
ვით მე მომწამლეთ, მოგიშხამავთ ყველას  
სიცოცხლეს!

IV

შახნავა და ცინო.

**შახნ.** შენ აქ რა გინდა?

**ცინო.** მარტო არავარ, დედაც აქ არის!

**შახნ.** მე აქ მოსვლა ხომ აგიკრძალეთ?

**ცინო.** მამავ, ნუ სჯავრობ!

არ ვაპირებდით ჩვენ წამოსვლას მეფის ნა-  
დიმზე.

**შახნ.** ცინო! შენ არ ხარ მამიშენის გამგონე,  
არა!

**ცინო.** ბატონიშვილი ჩვენსა იყო...

**შახნ.** როგორ? როინი?

**ცინო.** ჩვენ მან გადმოგვცა მეფისაგან მოპა-  
ტიყება.

და დაუმატა: თუ არ მოხვალთ, მეწყინებათ.  
კესოც იქ იყო. ჩემთან ერთად ბურთს თამა-

შობდა,  
ავერ ყველანი აქ არიან! მინდა რამ გითხ-  
რო...

მაგრამ მრცხვენთან...

მერე გიამბობ...

(ყელზე ეხვევა)

რა მიხარიან, მამაჩემო, რა მიხარიან!

**შახნ.** წადი, დედაშენს არ მოშორდე... თო-  
რემ არ ვიცი...

**ცინო.** რა მიხარიან... (ვარპის)

**შახნ.** ბატონიშვილი კესოს უყვარს, იმას კი  
კესო!

და მაგ უბედურს ჩემს ქალიშვილს რა უხა-  
რიან?

V

შახნავა და თადე დარაჯი

**შახნ.** თადეს ვახლავარ!

თადე. უმდაბლესი ჩემი სალამი!

**შახნ.** (პარკით ოქროს აძლევს) უბრალოდ დაელოდე...

მეფე დიდად მაძლობელია.

**თადე.** ღმერთო! სულ ოქრო! სად გავიქცე,  
საით გავკანდე?

(გულში ჩაიკრავს)

თვით სიზმარშიაც არ ვიფიქრებდი.

ამით თუნდ ქვეყნის ღვინოს ვიყიდი

ქვევრებიანად, ყანწებიანად!

ვალი ყელამდის მახრჩობდა და ეხლა ამოვალ!

სულ სხვა საქმისთვის დაგეძებდი...

**შახნ.** სხვა ლაპარაკი აღარ არის ჩვენში საჭი-  
რო.

წადი და როგორც დაგავალე, ისე მოიქეც!

**თადე.** (საიდუმლოდ) მე ეს წერილი დედოფა-  
ლმა გადმომცა გუშინ.

**შახნ.** წერილი? ვისთან?

**თადე.** ბატონიშვილს საკუთარს ხელში!

**შახნ.** როინს წერილი!

(წერილს ჰხსნის და კითხულობს. არაჩვეულებ-  
რივი სიხარული ეტყობა)

„დაუყოვნებლივ მოდი ჩემთან. როდამ“

ხა! ხა! ხა!

მეფეს ჰღალატობს დედოფალი!

ბატონიშვილი! (თადე უკან მიდგება)

VI

ივინივე, როინ და ჯუანშერ.

**ბატონიშ.** სასიამოროც აქა ყოფილა!

**შახნ.** (თავისთვის) დამცინის, მეფემ რომ  
უარჰყო ჩემი ასული!

**ჯუანშერ.** შახნავაზ! ეგრე დაღვრემილი არ მი-  
ნახვიხარ!

**ბატონ.** განსაკუთრებით დღეს მე და შენ უნ-  
და ვიღვინოთ!

**შახნ.** მე დღეს სალხინო ასპარეზი მეტად დი-  
დი მაქვს!

**ბატონიშ.** სიმამრს შეჰყვების...

**შახნ.** სიძე ჩემი არ დამიწუნებს.

**ბატონ.** დაწუნებას ვინ გაგიბედავს?

**ჯუანშერ.** თუნამეტნავად ქალს პეწი აქვს და  
სილამაზე!

საქმე ქალია, მიგიზიდოს და შეიყვარო,  
რომ შემდეგ სიძემ არ უარჰყოს ქალიც, სი-

მამრიც.

**შახნ.** - მე მცემს მათრახს! (ჯუანშერს)

ტოლი იცოდე!

შენ როდესაც სიმამრს ეძებდე,

ჰკვას არ წააგებ, მამაშენს თუ დაეკითხები!

მე კი ჩვეულ ვარ სიხარულსაც, დამცირებასაც  
და ძლიერ ბევრი მომხვედროია კილვის მა-

თრახიც!

**ბატონ.** შახნავაზ ჩემო! საუბარი არ მესმის შე-  
ნი!

**შახნ.** მე კიდევ თქვენი ორივესი...

(განგებ იკინის)

დღეს ისე რიგად სიხარულით აღტაცებულვარ,  
რომ ენა ჩემი ჩემს გონებას აღარ უდგება,

ვით ზოგიერთი ჭირვეული სიძე-სიმამრი!  
შოთა გვასწავლის: სიყვარულსა მალვა უნ-  
დაო!

(ახლო მიდის და ბოროტად ყურში)



შენ შოთას ცნება დაგავიწყდა და ყველამ  
იცი!

**ბატონ.** ვისთვის რა მიტყავს?  
**შახნ.** მეფის ყურამდე არ მისულა და თუ მი-  
ვიდა,

არ ვიცი, იგი ვის რამდენად დააჯილდოვებს.  
**ბატონ.** დრო მოვა, მეფეს ვაძულებ!

**შახნ.** შენ აიძულებ? (იციანის)  
თამამი ხარ ბატონიშვილო!

მე ეხლავ მოვალ!  
— ჩემს ხელში ხარო შენც, დედოფალიც.  
(გადის. უკან თაღე მისდევს).

VII

**ბატონიშვილი და ჯუანშერ.**

**ჯუანშ.** მეფესთან მიდის, რომ აუწყოს ბე-  
დნიერება!

**ბატონ.** იქნებ ჯერ მაგან დაწვრილებით არც  
კი იცოდეს,

რომ მაგის ქალი ჩემსა ბეჭედს ხელზე ატარებს!  
**ჯუანშ.** ქალი მართლაც მშვენიერი ჰყავს —  
გემოც გცოდნია!

**ბატონ.** რას ვაქნევ უცხო ხანების და უფლის-  
წულ ქალებს,

როცა თვით ჩვენ ში ტურფა სარძლო მოიპო-  
ვება?

თუმც ჩემი გული სხვას ამბობდა, მაგრამ და-  
ვძლიე.

ხომ მიხვდი, ვისზე გეუბნები...  
ქალი სულყველა ერთი არის, ტურფა კი იყო!

ის წაიშალა!  
ბედს შევურიგდი და მაგის ქალს მტკიცედ  
შეგფიცე.

როგორ გგონია, ვითომ მეფემ ნება არ დამ-  
ართოს?

**ჯუანშ.** შე დალოცვილო, ცოლად მეფეს  
ხომ არ თხოულობ?

**ბატონ.** შახნავაზ ფრთხილობს: „მალვა უნდაო!“  
**ჯუანშ.** მამაჩემია ჯიუტი, რომ ნებას არ  
მადლევს.

ნებას კი არა, მისი ნახვაც კი ამიკრძალა.  
აქამდე ომში თავს ვირობდით....

რა საბრალთა უმოქმედოთ შეყვარებულნი!  
**ბატონ.** როგორცა ვხედავ, შენ ყოფილხარ  
მაგრა დაბნული!

რატომ არ ვიცი, თუ ვინ არის?  
**ჯუანშერ.** ის მამაჩემია

განგებ თურღაც მოსახრებით მე დამაშორა,  
მაგრამ ჩვენ მაინც მუდამ ღამე ერთმანეთს  
ვხედავთ!

**ბატონ.** სახელი მითხარ!

**ჯუანშერ.** ის აქ სცხოვრობს!

**ბატონ.** ვიცი, ვინც არის!  
იმ ქალის მამას და მამაშენს სძულთ ერთმა-  
ნეთი!

ჩვენი კესია!

**ჯუანშერ.** ის არის სწორედ!

გუშინწინ მიველ სასახლეში შუალამისას —  
ხომ სიყვარული უფრო ღამით ცხოველი  
არის!

და გადავწყვიტეთ:

მამაჩემი რადგან ხელს გვიშლის,  
ღამე ცხენებით გავიპარეთ სადმე სხვა მხარეს.

აცრემლდებიან მშობლები და შერიგდებიან...  
ჩვენც მოგვითხოვენ, მოგვძებნიან...

**ბატონ.** შენ ტარიელი და მე ავთანდილ!  
თქვენი მშობლები — ქაჯთა სამეფო.

VIII

**იგინივე, როდამ და კესია.**

**როდამ.** აქა ყოფილან!  
სალამი, ყრმანო!

თქვენს სახეიმოთ მეფე ჩემი დიდს ლხინს გი-  
მართავთ,

რადგან არგუნეთ გამარჯვება!  
**ბატონ.** როგორ გაწითლდა ჩვენი კესია!

**როდამ.** ბატონიშვილო! კესოს ხომ არცხვენთ!  
**ბატონ.** თუნდ ნაძლევს დავდებ, იტიროს კი-  
დეც!

ჩვენი კესია,  
ცეცხლის კვესია

სიყვარულისგან ანაკენსია!  
ვფიცავ, შოთაც კი ვერ იტყოდა ამნაირ შა-  
ირს!

**როდამ.** დღეს რა მხიარულ გუნებაზე ბრძან-  
დებით, როინ!

**ბატონ.** რატომაც არა, დედოფალო, რატო-  
მაც არა!

**როდამ.** მიზეხსაც მეტყვით.

**ბატონ.** დიდი ბრძანდებით ცნობისმოყვარე.  
**როდამ.** იქნებ ის გალხნეთ, რაც თვით მეც ვი-  
ცი.

მინდა დავრწმუნდე: ვსცდები თუ არა.  
**ბატონ.** თქვენ არ შესცდებით და არც შემეც-  
დარხართ!

**როდამ.** მამ მართალია?  
თქვენ საუბრობდით ტარიელსა და ავთანდილ-  
ზე.

ნესტანის ამბავს ვკითხულობ მხოლოდ.  
**ბატონ.** „ციხეს ზის ეგზომ მალალსა,  
თვალნი ვერ შემოსწვდებიან?“

**როდამ.** ციხეს ზის? არა, ის თავის გმირს მოე-  
ლოდება.

მარტოკა დადის, თავის სულში საუბრობს მხო-  
ლოდ.

დილით გამოვა და გარდ-ყვავილს თვის დარდს  
შესჩივის.

**ბატონ.** ისე მომიტხრობთ, თვით გამხადეთ  
ცნობისმოყვარე!

თქვენ ვის გულისხმობთ?

**როდამ.** თეთრი პირბადე ვის გადაეც განშო-  
რების ჟამს?

**ბატონ.** ა! არა, არა! გეფიცები, მხოლოდ ის  
ისე...

კეთილის გულით... მეგობრული თავაზა იყო...  
**როდამ.** მისგან მივიღე გუშინ წერილი,  
მშობლების ამბავს მატყობინებდა.

თან მაცნობებდა თავის სიყვარულს  
გრძნობის ფერადით სისხლის ცრემლებით.

აი წერილი (კითხულობს):  
„როდამ! თუ როინს ველარ ვიხილავ,  
არაფრად მიღირს სიცოცხლე კრული,  
მასზე ოცნებით საფლავში ჩავალ!“

მე ეს მინდოდა თქვენთვის მხოლოდ მეცნო-  
ბებინა.

მეორეც თხოვნა: წერილსაც გწვრდით...



კართუხუცესი ვითმე უნდა დაიყოლიოთ.  
თქვენი აქვს ხათრი, ის თქვენს თხოვნას ვერ  
გადაუვა.

რაზედ ჩაფიქრდით?  
**ბატონ.** ეს ცხოვრება რა მრუდვით ბრუნავს:  
ის იმას უყვარს, ხოლო იმას სხვა!  
სხვა კიდევ სხვაზე ამაოდ ოხრავს!  
(კესო და ჯუანშერ აქეთ-იქით გადიან).

**IX**

**როდამ და როინ.**

**ბატონ.** მე ვისაც წინად მოველოდი, ბედმა და-  
მინშო

მისდაში გრძნობა სპეტაკი და ჰაეროვანი.  
არა, ჯერ კიდევ არ ჩამქრალა! ახ, დედო-  
ფალო!

ნეტა წარსული მოგონება არ აგეშაღწა!  
ის იყო მხოლოდ ერთად ერთი ტკბილი ოცნე-  
ბა.

იყო და დღეს კი...  
როდესაც ვნახე, მხოლოდ ნახვამ გული დამ-  
წყვიტა!

ის ოცნება და სინამდვილე მე დამაშორეს.  
ამ ჟამად ჩემთვის ყველაფერი სულერთი არის.  
**როდამ.** შენ დაგაშორეს?.. და შენ ამ დროს  
რას აკეთებდი?

**ბატონ.** სპარსეთში ვიყავ ჩვენი ქვეყნის საქ-  
მეთა გამო.

როცა დაებრუნდი, შებრძოლება გვიანდა იყო,  
რადგან ჩემის ძმის სისხლი უნდა მე დამეჭ-  
ცია,

ეს კი ქვეყანას არევედა და ალაშფოთებდა.  
**როდამ** (შემკრთალი). შენ ჩემზე ამბობ!  
სხვის მოციქულად მოვდიოდი, ჩემზე რა მესმის!

**ბატონ.** დიახ, მე შენზე ვლაპარაკობ — ჩემს  
დანიშნულზე —  
ჩვენ რომ ერთმანეთს ბავშვობისას ვხედავდით  
მხოლოდ  
და უკანასკნელ ნახვის დროს კი შენ სხვი-  
სი იყავ!

**როდამ.** საშინელია შენი ფიქრი!

**ბატონ.** გარწმუნებთ, არა!  
ეხლა ნაცვალი ჩემს საკუთარს ბეჭედს ატარებს!  
**როდამ.** განა ნაცვალი შეიძლება რაინდისათვის?  
**ბატონ.** ხორციელისთვის შესაძლებელი თურმე  
ყოფილა.

კაცს შესძლებია ყველაფერი ნებით დას-  
ძლიოს!

**როდამ.** მაშ განგებ თუ სთქვი, თითქოს იგი  
ისევ გიყვარდეს.

**ბატონ.** მიყვარს ვით ტკბილი მოგონება, ტკბი-  
ლი წარსული!

არა, მე ვსცროობ!  
ჭაბუკის გულში რაც ღრმად ერთხელ აღიბეჭ-  
დება,

მას სიკვდილი თუ დაავიწყებს:  
მხოლოდ პირველის წარმოდგენით სულდგმუ-  
ლობს გული!

ჩემ თავს ვატყუებ, რომ სხვაც მისებრ სასუ-  
რველია!

**როდამ.** მაგ ყალბის გრძნობით კმაყოფილი  
სხვა არ იქნება!

**ბატონ.** არ ვიცი, იქნებ ისიც ჩემებრ სხვაზე  
ქრუნებდა!

გულახდილობა მაპატიე. მოესპეტე ვინაა ეს  
(სიჩუმის შემდეგ ნაღვლიანად)  
მე ისევ წმინდად მეყვარები, ვით ბავშვობისას!  
**როდამ.** სპეტაკი არის შენი სული, ბატონიშვი-  
ლო!..

მაგრამ მე რა ვქნა? ნეტა ჩემთვის არ გაგემ-  
ქლავნა!

**ბატონ.** ჩემს უნებურად, დედოფალო, ჩემს უნე-  
ბურად!

**როდამ.** ვგრძნობდი კიწათლად, რომ შენ მუ-  
დამ პირს მარიდებდი.

**ბატონ.** როცა გხედავდი, საბრალო გულს ელ-  
და გამკრავდა!

**როდამ.** მე შენსა ნახვას ვნატრულობდი და  
გაგირბოდი!

**ბატონ.** როცა განახავდი, სევდიანის თვალით მი-  
მხერდი.

მესმოდა, რაღაც იდუმალი გრძნობა იწვედა —  
**როდამ.** მაგრამ სიტყვის თქმას ერთმანეთს კი  
ვერ ვუბედავდით!

**ბატონ.** და რაოდენი ტანჯვა იმ დროს მე  
განმიცდია!

**როდამ.** რამდენჯერ ცრემლი დამიღვრია სხვის  
უხილავად!

გახსოვს, სახსოვრად რომ მომიძღვენ წმინდა  
ნაქსოვი,

იმით მე მხოლოდ სიყვარულის ცრემლს ვიშ-  
რობ ხოლმე!

(მწუხარედ)  
რად დაგვაშორეს?

**ბატონ.** დედოფალო! ღვთის გულისათვის!

**როდამ.** მე არა ვშიშობ! (უტბად გონს მოდის)  
მაგრამ ახ, არა! განსაცდელში შენ ჩაეარდები!  
ჩემი მეუღლე... ახ, მეუღლე, წყეულნიმც იყოს!  
შენ არ დაგინდობს, მცირე ეჭვიც რომ შეე-  
პაროს!

ჩავიკლავ გრძნობას, განსაცდელში რომ არ  
ჩაგავდო.

ვერ წარმოიდგენ, რაოდენ ხარ ჩემთვის ძვირ-  
ფასი!

აწ შურით ვუშხერ, ბეჭედი რომ გადაგიცია,  
მაგრამ ასრულდეს! გახსოვდე კი და ცოცხლად  
მყევანდე!

**ბატონ.** რა ამბავია?  
**ჯუანშერ.** გემუდარებით! (დედოფალს) წადით,  
წადით!

სტუმრები მეფემ დაითხოვა. შფოთავს და  
ბღღვინავს!

(დედოფალი გადის)  
**ბატონ.** რა ამბავია?  
**ჯუანშერ** ჩვენ თავს ჰხდება უბედურობა!  
**ბატონ.** ვფიცავ, წინდაწინ მზვარეულთან და-  
გილევია.

**ჯუანშ.** ხუმრობას თავი დაანებე, ბატონი-  
შვილო!



XII

ივინივე, მოლარე შახნავაზ, კარის დამაბრუნებელი

რაჯი და მცველები.

შახნავაზ. აქ არის იგი!

კარის დარაჯი. ამ ბრძანებით შეპყრობილი ხართ!

(ბრძანებას გადასცემს, კითხულობს)

ბატონ. როგორ? მე? მართლა?

(ჰხევს)

აი ბრძანება!.. ყველას ასე დაგხვით... დაგ-  
გლეჯავთ!

კარის დარაჯი. ბატონიშვილო! მძაპტიეთ! ჩვენ

მას ვასრულებთ,  
რასაც გვიბრძანებს ჩვენი მეფე — გთხოვთ დაგვ-  
მორჩილდეთ!

სისხლში ნუ შეგვრევ, ნუ ინებებ ჩვენსა და-  
ლუპვას!

შახნავაზ. ვფიცავ, ყველასთვის საწყენოა, ბა-  
ტონიშვილო!

ელიზბარ. შე მუზმუხელავ!

ბატონ. მაშ მე შემოიპყრან სასახლეში და ძმის  
ბრძანებით?

მე? მე, რომელმაც მოვუპოვე მას გამარჯვება!

მტერიც კი ასეთს დამცირობას ვერ მაკადრებ-  
და!

ძმავო ჯუანშერ!  
ბრძოლის ველიდან რად დავბრუნდით გამარ-  
ჯვებულნი?

აქ ასეთ ყოფას, იქ სიკვდილი სჯობდა ათას-  
ჯერ!

(მოლარეს)  
უთხარ შენს ასულს, რომ ანახდად მეფემ შე-  
მიპყრო,

არ ვაპატიებ ესრეთ ჩემსა შეურაცხყოფას!

შახნავაზ. ჩემს ქალზე ეჭვობს!

ბატონ. უთხარ, რომინი თავის სიტყვას არ  
ულალატებს

და თუ ცოცხალი გადაუტრია, აღსრულდეს  
ნება!

შახნავაზ. შენი მუქარა მისაგებელს, დაე, მიე-  
გოს!

ბატონ. განა შენ ეჭვი გეპარება ჩემს სიმატ-  
ლეში?

მაგრამ აწ კმარა! შევხვდებით და მაშინ გავ-  
სწორდით!

თუ არა — ღმერთმა აპატიოს ჩემს მტერ-მოყვა-  
რეს!

საით მიბრძანებთ?  
კარის დარაჯი. მე გაგიძღვებით!

ელიზბარ. (ჯუანშერს) უთვალთვალე შორი  
ახლოს! გაჰყე შენც შაგათ!

(ბატონიშვილი გაჰყავთ)

XIII

ელიზბარ და შახნავაზ.

ელიზბარ. შახნავაზ!  
შახნ. რა გსურს?

ელიზ. ეთამაშები სხვის სიცოცხლეს — ინანებ  
მეთქი!

შახნავ. შენ თვით ინანებ მაგ სიტყვისთვის,  
თუ კიდევ ვითქვამს!

ელიზ. მეც მემუქრები?

აბა წავიდეთ!

ბატონ. სად წავიდეთ, გამაგებინე!

ჯუანშერ. უნდა ვავიქცეთ!

ასე მიბრძანა მამაჩემმა და ესეც კმარა!  
სიბრახისაგან მეფე თურმე ტანსამოსს იგლეჯს.

წამო, წავიდეთ!

ბატონ. მეფე ასდევს მკითხავის სიზმრებს:  
ვილაცას ეთქვა, რომ წავართმევ სამეფო გვირ-  
გვინს!

წინად შემეძლო ჩავსულიყავ თუნდ ჯოჯო-  
ხეთში.

დღეის შემდეგ კი მე აქედან ფეხს არ მოვი-  
ცვლი!

როგორ დავსტოვო ის ადგილი, სად იგი  
სცხვრობს!

ან რისთვის? მითხარ, რისთვის? რისთვის?

ჯუანშერ. გთხოვს მამაჩემი!

XI

ივინივე და ელიზბარ.

ელიზბარ. თქვენ ისევ აქ ხართ?

ბატონ. რისთვის მტანჯავთ? რაშია საქმე?

ელიზ. ჩემო შვილებო! როინ! აქ მო!

(თვალეში აცქერდება)

შე უკუნურა!

რად არ იცოდი, ყველაფერი გამჟღავნდებოდა!  
წადით, განშორდით! წადით მთებში. მიზეზს  
ნუ მკითხავ!

მეფის ბრძანებით აქ მოდიან შენს შესაპყრო-  
ბად!

ბატონ. ჩემს შესაპყრობად? მაშ მკითხავენს  
ძალა ჰქონიათ!

ელიზბ. შენ შეურაცხე შენის ძმის და მეფის  
პატივი!

ბატონიშ. (უცხად აენთება) ჰა? როგორ? ვინ  
სთქვა?

ელიზბ. წადით აქედან!

ბატონ. მე ვინა მნახეთ ისეთი, რომ ცილსა  
მწამებდნენ

და თავი ჩემი ვერ ვიმართლო? როგორ გგო-  
ნიათ?

რომ დაუშტკიცო შეცდომა და ის დავარ-  
წმუნო?

ახ, ღმერთო ჩემო! დავარწმუნო! რა უნდა  
ვუთხრა?

იქნებ ის ვუთხრა, რომ როდამი მე მეკუთვნოდა  
და დღეს მისია! რომ მე იგი დღეს აღარ მი-  
ყვარს!

(თითქმის ყვირილით)

ვინ მაკადრებდა? სცრუობს ყველა და მეფეც  
სცრუობს!

მეც, მეცა ვსცრუობ.

ჯუანშერ რა გაყვირებს? რა დაგემართა?

ბატონიშ. თავი მანებეთ! გამეცალეთ!

ჯუანშერ. რა მოგდის, როით?

ელიზბარ. დაწყნარდი, შვილო!

მე მესმის შენი აღელვება!

აი, ეს ჩემი გასაღები,

მცველებს უჩვენეთ და უვნებლად გახვალთ  
ციხიდან.

ბატონიშ. (აღელვებისგან აცრემლებული)

სხვა იყოს ჩემთან დამნაშავე და მე გაფრბოდე?



**შახნავ.** შენი მუქარა მე პირველად მაშინ გა-  
ვიგე,  
როცა მიჩვევდა .. ამირბარად მე მეფე ჩვენი  
და შენ ჩაჰმალე...

მეორედ, როცა საიდუმლო თათბირს დაესწარ,  
მხოლოდ შენ ერთმა არ ისურვე ჩემი ელჩობა.  
მესამედ, როცა ჩემს ქალიშვილს მეფე ირთავდა  
და შენ მის ნაცვლად შთავრის ქალი მოაყუ-  
ნინე,

რომელიც ეხლა მეფეს არცხენის...

**ელიზ.** ჩუმაღ! ბოროტო!

**შახნავ.** ბოროტი შენ ხარ! მეფე ჩვენი შენს  
ხელში ჩაღბა!

**ელიზ.** შენ არ ვარგოდი არც ელჩად და არც  
ამირბარად!

შენს ქალიშვილს კი აქ ტყუილად იმოწმებ მხო-  
ლოდ,  
რადგან იმისი დედოფლობა შენ გსურდა  
მარტო

ისევე და შენის მწირი ნების გზის გასაკათად!  
**შახნავ.** შენ გზა დაუბნე, ვისაც გულით წინ-  
სელა უნდოდა!

**ელიზ.** ჩემი სინდისი ხალხს უწევდა მუდამ  
ანგარიშს!

**შახნავ.** რა იცი, შენზე უკეთესად სხვაც არ  
გაუწევს?

**ელიზ.** შენს პირადობას ვერასოდეს ვერ გა-  
სცილდები.

ბრმა, თავმოყვარე, გოროზი და დაბნული გული  
მზაკვრულის უნით, ანგარებით საცხე გაქვს მუ-  
ღამ!

**შახნავ.** ერთს ხილზე ვდგევართ დღეს მედაშენ  
პირისპირ შეხლით,  
ჩვენში ერთ-ერთი წყლის ტალღებმა უნდა წაი-  
ლოს.

**ელიზ.** თუ განვსჭვრეტავდი, შენში იყო გვე-  
ლის ნასახი,

არ შევდრკებოდი, როგორც ჭიას ფეხს დაგა-  
დგავდი!

**შახნავ.** ყბედო ბებერო!

XIV

**იგინივე და მეფე.**

**მეფე.** მაშ არ შევმცდარვარ! არა! არა!  
რატომ თვალებმა უფრო ადრე არ დამანახვეს?  
არა, ვხედავდი და გონება მეურჩებოდა!  
აჰა საბუთიცი! წერილსა სწერს... წერილს...  
წერილს!..

**ელიზბარ!** აჰა წაიკითხე და ეხლაც მითხარ,  
რომ ვსცდები .. ვსცდები...

ეხლა თვით ვნატრობ: ნეტა მართლა ტყუილი  
იყოს

და მე ვსცდებოდე...  
მაგრამ წერილი... მისი ხელი... ო, ღმერთო  
ჩემო!

ოთხის თვის წინად ნამძინარევეს უცბად წა-  
მოსცდა:

„როინ! ნუ მიხვალ!“ მე მას აქეთ გველი  
გულს მეწვა!..

წადით, მომიხმეთ ჩემს მსაჯულებს. . გაასა-  
მართლონ!

გაასამართლონ და სასჯელიც ეხლავ ასრულ-  
დეს...

არ შემიძლიან მათ ვუყურო! ორივე ერთად...  
ორივე ერთად დაისაჯუნენ... **ეროვნული**  
XV **ზიზლიცოთქვა**

**იგინივე და როდამ.**

**როდამ.** ჩემო მეფეო და მეუღლე!  
**მეფე.** დიაღ, ვარ მეფე, მეფე შენი, — არა მე-  
ულღე!

წყეულმც იყოს ის დღე, ოდეს მეუღლედ  
იქმენ!

**როდამ.** ჩემსა გარშემო აგინთია ცეცხლი  
მგზნებარე,

მე მისი ალი საცა არის მომიდნობს კიდეც...  
ღმერთს რა შევცოდე, ანუ შენთან — რა დავა  
შავე!

უბრალო მსხვერპლად რად მიმეტებ, ჩემო  
მეფეო!

**მეფე.** ქალისთვის ცრემლი ავზნეობის პირსა-  
ბურია!

**როდამ.** ჩუმაღ მოგეკლა ჩემი თავი ცამდის  
მართალი,

შხამი-სამსალა შეგვერია ჩემსა სასმისში,  
იტყოდნენ: მოკვდა უცაბედის სიკვდილითაო.

ასე საჯაროდ თავის მოჭრას რას შემართ-  
ლები?

**მეფე.** უნდა იტანჯო, შეგარცხენო. შენც,  
შენი გვარიც!

**როდამ.** რომ მართალი ვარ!

**მეფე.** მართალი ხარ! შენ? მართალი ხარ?

**როდამ.** და უცოდველი შენს წინაშე! — ღმერთ-  
თან არ ვიცი, —

თორემ ამ სასჯელს, დამცირებას ამაცილებდა!  
**მეფე.** თავსა მართლულობს

ის, ვინც მღალატობს სულიერად და ხორ-  
ციელად!

ჰო, რატომ არა:  
მე ქალარა ვარ, გატეხილი, ის ახალგაზრდა!  
გაპჭურდეთ ჩემი სარეცელი ავაზაკურად!

**როდამ.** სცდები! ცილს მწამებ!

**მეფე.** ვსცდები, ფანჯრიდან საყვარელს რომ  
ღამე ატარებ!

ვსცდები, წერილით რომ იბარებ ეინმორეული!

ვსცდები, ძილშიაც იმის სახელს რომ გაიძახი!  
(სადედოფლო წინაშე ჩამოაგლეჯს. გვირგვინს  
მოჭხნის, ფეხით სთელავს).

ღირსი არა ხარ დღეის შემდეგ მას ატა-  
რებდე.

როსკიპო ქალო! დაცემული სულით ხორ-  
ცამდე!

**როდამ.** ოჰ, დედა! დედა!  
რალად მინდა თავი ცოცხალი!

(ტირლით ვადის)  
XVI

**იგინივე და მსაჯულნი.**

უკანა ფარდა გადაიწევა. ტახტის გარშემო  
სხედან მსაჯულნი. წინ უძევთ მსაჯულთა  
წიგნი. შემოაჰყავთ როინ ბატონიშვილი

**მეფე.** დარბაისელნო და მსაჯულნო! მსწრა-  
ფად შეგკრიფეთ!

მომიწვევიხართ არა სხვათა საქმეთა გამო,



საქართველოს  
წიგნების კავშირი

აოამედ ჩემის საკუთარს განსაჩივლედა!  
(გვირგვინს იხდის)  
აი, გვირგვინი მომიხდია და არ იფიქროთ,  
რომ გვირგვინოსნის სასარგებლოდ საქმე გა-  
დასჭრაო.

დღეს თქვენს წინაშე მეც უბრალო ერის კა-  
ცი ვარ!  
დარბაისელო! რა სასჯელი ელის ისეთს ძმას,  
ვინც შეურაცხყო სარეცელი, მეფის სახელი?  
**მსაჯული** (სიჩუმის შემდეგ წიგნს ათვალე-  
რებს).

წიგნში სწვით: სიკვდილით დასჯა.  
მხოლოდ ვინ არის ამის მოწმე, საბუთი გვი-  
თხრას?

**მეფე** .მოწმე თვით ჩემი სინდისია და ჩემი  
რწმენა,  
რომ ეს ასეა და სიყალბე არ ურევია!

**მსაჯული**. ეგ არა კმარა! საბუთი რამ ხელ-  
შესახები!..

**შახნავაზ**. მეფეო ჩემო! თადე დარაჯს უნდა  
სთქვას რამე!

**მეფე**. აბა, წამოდექ! სთქვი, რაც იცი!  
**თადე**. გახლავართ თადე, ახნაური მეფის ტახ-  
ტისა!

ერთ ღამეს ციხის დარაჯობა მე ჩავიბარე.  
მამლებს ჯერ არც კი ეცივლათ, რომ იმ ფან-  
ჯარიდან,

სადაც დედოფლის ოთახია, კაცი გადმოხტა.  
კართუხუცესიც სწორედ იმ დროს ჩემს გვერ-  
დით იდგა,

შინ წასასვლელი რაღაც საქმეს მე მავალედა.  
მე ვუთხარ: რაღაც ეშმაკობა მოხდა აქ მეთქი.  
როგორც თქვენ გარჩევთ, ვინა ხართ და არა  
ესცდები,

იქაც მე ნათლად გავარჩიე ბატონიშვილი!

**მეფე**. ეს შენ იცოდი, უხუცესო, და არ კი მით-  
ხარ?

**ელიზ**. მართალი არის, მომეჩვენა რაღაც  
ლანდივით,

მაგრამ მოხუცმა პირისახე ვერ გავარჩიე.  
იგი ფანჯარაც უფრო არის დაშორებული,  
ვიღრე ამ დარაჯს ჰგონია, თუ მოსჩვენებია!

**მეფე**. გაიძვერაობ! ხელს აფარებ, ბებერო მე-  
ლაე!

**მსაჯული**. სხვა მოწმე კიდეც! სხვა საბუთი,  
თორემ დარაჯი  
შესაძლო არის მართლა სცდება ან მოე-  
ლანდა.

**მეფე**. მე სხვა საბუთი და სხვა მოწმე —

**შახნავაზ**. მეფეო ჩემო! თადეს აცალეთ! —  
რალას აყოვნებ? სთქვი გაბედულად!

**თადე**. ჩემი მეუღლე მოახლეა ჩვენის დედო-  
ფლის.

როდესაც ოთახს ალაგებდა, მას ეს ხანჯალი  
ეპოვნა სკამზე...

**მეფე**. აქ მაჩვენეთ! მისია სწორედ!  
მე თვით გარდავეც მას სახსოვრად!

რალა საბუთი? სხვა საბუთი? დაიშალენით!  
ყველაფერს, აი, ეს უსულო საგანი ამბობს  
წადით. დახვრიტეთ ამ საათში, დაუყოვნებ-  
ლივ!..

ო, სალახანავ, არამზადავ! მგესლავო გველო!

**მსაჯული**. დამშვიდლით მეფეც!  
არ შეიძლება ბრალდებულსაც არ მოეხსენებოდეს!

რას იტყვიოთ, როინ?  
**ბატონიშ**. რაც მოგახსენეს, ყველაფერი სი-  
კრულე არის!

განგებ შეთხზულის წინააღმდეგ ან კი რა  
მეთქმის?

მეფის თვალეში ექვისაგან დაბრმავებულა  
და მისი აზრიც ექვისაგან დაბნელებულა  
და რომ ეს ასე არ იყოს და გონებას ჰკით-  
ხოს,

არ შეიძლება, მეფემ ჩემთან, სისხლ-ხორცით  
სწორმა,

ვიღაც მოწმეებს დაუჯეროს და მათ ერწმუ-  
ნოს,

ერწმუნოს მდაბალ არსებათა ცილისწამებას!  
არ ჰკითხოს თვის თავს ერთხელ მაინც, თუ  
ამ გაქნილებს

რა ანგარება, ან რა შური ალაპარაკებთ!  
რაოდენ უნდა იყოს კაცი დამდაბლებული,  
ბუნებით ხსირი, გარყენილი და ზნედაცემული,  
რომ სპეტაკ სულსაც მიაწეროს თვისი ქცე-  
ვანი,

თვისი ავიზნე მოეჩვენოს სხვა არსებაშიც.  
რაც თვითონ არის, სხვაც ისეთი ჰგონია სწო-  
რედ!

მე კი არ უნდა ვიყო თქვენს წინ პასუხისმგე-  
ბელი,

ეგ უნდა იყოს დამნაშავეის სკამზე მჯდომარე.  
ვაჩე ვეზირის ცოლი ჰყვანდა მაგას საყვარ-  
ლად!

თავად გურგენმა ღამე სცემა ბნელი საქმის-  
თვის...

და რალა ბნელის—მიუვარდა ოჯახში მზე-  
კურ...

ერთ სეფე ქალსა უკანონო შვილი შესძინა.  
თავისი სათნო, ანგელოზი ცოლი მოწამლა...  
ჩემი ძმა მოკლა, სისხლ შესვრილი ტახტი  
წაართვა...

**მეფე** (სკიპტრას ესვრის) გააჩუმეთ! გააჩუმეთ!  
**ბატონიშ**. ვინ გააჩუმებს? სიკვდილის მეტს  
სხვას რას მომისჯით?

მან მე წამართვა საცოლო და ბედით აღ-  
თქმული,

მით დაარღვია მამიჩემის წმინდა ანდერძი!  
მტარვალო! ან კი სხვა რაში ხარ ადამიანი?

ლოთი, გახრწნილი, ზარმაცი და ომში მში-  
შარა!

შენს მაგიერად ქვა რომ იდოს მაგ მეფის  
ტახტზე,

ჩვენი ქვეყანა მეტს ირგებდა, ვიღრე შენს  
ხელში!

ერი დაამხე, უნიჭობით გაალატაკე...  
მონის უღელქვეშ ამოართვი სული გლახობას.  
ხალხი მიეცი საჯიჯგნელად შენებრ უღირ-  
სებს!

**მეფე**. გაიყვანეთ! კმარა!  
(ბატონიშვილი დარაჯებს გაჰყავთ)

**ელიზ**. (მეფეს მუხლს უყრის)  
გონიერ მეფეს მე მოხუცი გემუდარები.

პატივი დამდე, დამშვიდე მღელვარე გული.  
არა გთხოვ, როინს აპატიო, არა მეფეო!



უბრძანე მხოლოდ, შეაჩერონ ერთის დღით დასჯა!  
 ნუ ასჩქარდები, მბრძანებელო, ნუ ასჩქარდები!

XVII

**ივინივე და როდამ.**

**როდამ** (შემოდის მომაკვდავი კედელ-კედელ-მოსამართლეების წინ გაჩერდება და დიდხანს სდუმს)  
 მოსამართლენო! თქვენს განაჩენს არ დავეუცადე.

მე ამას იქით დამნაშავე აღარ ვიქნები.  
 ან როდის ვიყავ?  
 ქმარს ერთგულებას ვუწევდი და ერთგული ვიყავ!

ვინ შეიტანა ჩემში შური?...  
 მას ჩემი ცოდო ეკითხებოდეს!..  
 ჩემი მშობლები ვეღარ მნახავენ...  
 და რომ მეცოცხლნა...

შეურაცხყოფილს მე სიცოცხლე აღარად მიღირს.  
 როინი დღესაც ძვირფასია ჩემი სულისთვის.  
 წერილს რომ ვსწერდი, მხოლოდ კესოს გულისთვის იყო.  
 მას შეეხაროდი, ვით მეომარს ჩვენის ქვეყნისთვის...  
 მიყვარდა, როგორც რაინდი და სულით სვეტაკი.

ეხლა ეს ყველა მორჩა... მორჩა...  
 (მეფის ტახტის წინ კვდება)

XVIII

**ივინივე, ჯუანშერ და თეონა.**

**ჯუანშერ** (გარედანვე ყვირის. შემოჰყავს თეონა, თადეს მეუღლე)  
 დიღო მეფეო! ამოცანა ჩემს ხელში არის!  
 მივხვდი, თეონას ყველაფერი უნდა სცოდნოდა.

(როდამს დაინახავს)  
 საბრალო როდამ! ეღვარ მოგისწარ!  
 მეფეც, უბრძანე გადაურჩეს ის მაინც სიკვდილს!

**მეფე.** სთქვი, რას ყმაწვილობ! მაშიშენის სისხლი გიდგია!  
 მან ორგულობა გამიწია, შენ მიერთგულე?  
**ჯუანშერ.** ჩემს ნათქვამს თუნდაც ყურადღებას ნურც-კი მიაქციე!

თადეს ჩვენებას გააქარწყლებს მისი მეუღლე!  
 ის, ვინც ფანჯრიდან გადმოხტა და როინს აბრალებთ,

მე თვით განლაგარ!  
**მეფე.** ნუ თავხედობ!  
 შენ გინდა მაგით მეგობარი დაიხსნა, განა?  
**ჯუანშერ.** ჰკითხეთ თეონას!

ამან სულ იცის ჩემი საქმის გარემოება.  
**მეფე.** იქ რა გინდოდა? ვისთან იყავ?  
**ჯუანშერ.** კესოსთან ვიყავ! კესო ჩემი დანიშნულია!

მასთან შეხვედრა აკრძალული მქონდა მამისგან!  
 ჰკითხეთ მამაჩემს! ლამე ფარულ მუდამ ვხედავდი!

მე ვიყავ მასთან. ხმაურობა შენგ მოგვსოფი  
 ფეხი რალაცას წამოჰკარ და-თიფი  
 მეც ვიდროვე და ფანჯარიდან გადმოვხტი  
 ბალში!

**მეფე.** ეგ ამას წინად! მართალია!  
**ელიზ.** მეც ვუქრძალავდი, მართალია!  
 მე ვუქრძალავდი, რადგან მშობლებს ვცდილ-და ერთუერთი!

იქნებ ეს ცოდო დატრიალდა ჩემს უნებურად!  
 ვაი ჩემს თავსა!  
**ჯუანშერ.** ბატონიშვილის საცოლოა მოლარის ქალი!

**შახნავ.** რაო? რა სთქვი? ღმერთო!  
**ჯუანშერ.** მის ბეჭედს ცინო კარგა ხანი ხელზე ატარებს!

**შახნ.** ო! ო! ცაო, დამეც რისხვა და მეხი!  
 გასქდი მიწავ და ჩამიტანე მე უგუნური!  
 რატომ ვერ მივხვდი — „მიხარიან, მიხარიანო!“  
 (მსაჯულებს მიუვარდება)

როინი რატომ არ გაამართლეთ?  
 რატომ ვერ იგორძნეთ, დაგებული ჰქონდა მას მახე?..

წყეულიმც იყოს თქვენი წიგნი! თქვენი კანონი!  
 ბრმა თოჯინებო! (წიგნს უხვეს)  
 კლდე არსად არის, გადვიჩებო? ვაი, ვაიმე!  
 (ვამწარებული ყვირილით გარბის)

**მეფე.** შენ რალას იტყვი, დედაკაცო?  
**თეონა.** დიღო ბატონო! ამ ჩემის ქმრის ძალდატანებით  
 ბატონიშვილსა მე მოვპარე იგი ხანჯალი.  
 რისთვის უნდოდა, დღეს ყველანი თქვენ თვი-თონ ჰხედავთ.

ქმარი ლოთი მყავს. თქვენ წყალობას იმ დღე სვე ფლანგავს!  
 მის ხელში ფული არ მინახავს დღევანდლის-გარდა!  
 დღეს ერთი პარკი ოქრო-ვერცხლი ხელთ ჩამაბარა,

მითხრა: ეს მეფემ მაჩუქაო!  
**მეფე** (გაბოროტებული). ვინ მოგისყიდა?  
**თადე.** თქვენმა მოლარემ! (იჩოქებს)  
 მაპატიეთ დანაშაული!

მოლარე ასე მარწმუნებდა, თითქოს თქვენ გსურდათ!  
 მეც მიხაროდა, რომ ერთგულად თქვენ გმსახურებდით!

**მეფე.** ო, ბოროტო, გველო შეხნავაზ!  
**ჯუანშერ.** დიღო მეფეო! მეგობარი გადამირჩინე!  
**მეფე.** ღმერთო, ნუ დამსჯი! ღმერთო, ნუ დამსჯი!

ამ სიბერის დროს მაკმარე ცოდო!  
 ჩქარა გარდაეც, შეაჩერონ ჩემი ბრძანება!

XIX

**ივინივე და დარაჯი.**

**დარაჯი.** დიღო მეფეო!  
 შვიდს ისრის მსროლელს გააყოლეს ბატონი-შვილი.  
 მათ წილად ერგათ დაეხვრიტათ, მაგრამ იმ-ტყუნეს!



ბატონი შვილთან ერთად შეიძინე მთებში გა-  
იქცენ!

**მეფე.** მოლაღატეებს მიეცით ჯილდო!  
ღმერთმა მაქმარა ეს კუმანკო მსხვერპლი ვი-  
ტირო!

ო, ჩემო როდამ! საყვარელო, როდამ ძვირფა-  
სო!

მე უგუნური შემობრალეთ! მიშველეთ, ხალხო!  
ნახეთ ექიმნი! გამონახეთ საშუალება!

ეგებ როდამი დამიბრუნოთ, ჩემი როდამი!  
როდამ, ხმა გამეც!

ნუ მიწყრები, ძვირფასო როდამ!  
რაც კი შეგცოდე, მაპატიე, გემუდარები!

საბრალო მეფე მუხლმოყრილი გემუდარები.  
ცოდვილი მეფე შემობრალე.

რატომ არ გინდა მაპატიო?  
არ ვიყავ შენი შესაფერი, ღმერთმა დამსაჯა!

რა ვქნა, ეს ცოდო რა გზით უნდა მოვიინანიო!  
უბრალო მსხვერპლით სული ჩემი მეტად დამ-  
ძინდა!

(სიჩუმე. კვითინებს)  
რათ არ ვგიულები?  
ან და იქნებ უკვე გიეიც ვარ?  
დანაშაული ჩემი როგორ გამოვისყიდო?  
ჩემს ბაღში ძალად უკვდავების ვარდი დავაჭ-  
კნე!  
ხალხო! აიღეთ და დამარტყით ლოდი უბე-  
დურს!

როდამ! როდამ!  
კართუხუცესო! მონასტერში! შორს ამ სოფ-  
ლიდან!

აქ მე ადგილი აღარა მაქვს, ბერად შევდგები!  
ესეც იქ უნდა წავასვენო, დავასაფლაო,  
რომ ყოველ დილით და საღამოთ ცრემლი  
ვაფრქვიო,

და ჩემი ცოდო, მძიმე ცოდო მოვიინანიო!  
ჩემი ძმა იხმეთ! დღეის შემდეგ ის არის მეფე!

ფ ა რ დ ა

### შ. არაგვისპირელი

„...შვილო...“

(ცხოვრების ნამცეცი ძველი ქართული თქმულებით)

„... შვილო, ... — წამოიძახა უსინათლო ღრმად მოხუცებულმა ლომამ, რომელიც ქოხის ბოძს მიჰყუდებოდა ზურგიით და იმისსავე ახლოს ჩაქრობაზედ მისულ ცეცხლისკენ თავისი გამ-  
ხმარი ხელები გაეშვირა, როდესაც მოგონებებში გართულს შემოესმა „ჩხაკუნი“. იმან მა-  
შინვე იგრძნო, თუ ეს რას ჰნიშნავდა... იმისმა უმცროსმა შვილმა გოდრის დაწვნა დაიწყო  
და იცოდა კიდევაც რისთვისაც...“

წამოიძახა: „შვილო...“ უნდოდა ეთქვა, მაგრამ მოგონება ისევ თავის კვალში ჩადგა და  
გაიყოლია თან ლომას გონება... შეაწყვეტინა აზრი... მამის ხმის გაგონებაზე ფოცხვერამ  
ხელი შეაყენა. ოდნავად თავიც იმისკენ გადახარა, მაგრამ რაკი გაგრძელებას ველარ ეღიროსა,  
აამუშავა ხელი და „თავისთვის ბუტბუტებს“-ო, ჩაილაპარაკა...

ლომა კი დაცურავს მოგონების მორევში და სრულგებით ავიწყდება დღევანდელი გარე-  
მოება...

აგერ სულ ახალგაზრდა, როცა პირველად თავისი სახელი „ლომა“ ეწოდა, წარმოუდგა გო-  
ნებას... ტყეში მიდის, თავისი უძლეველი კეტი მარჯვენა ხელში უჭირავს. მიდის ჩაფიქრ-  
ბული, თუკი მაშინ ფიქრი შეეძლო... უფრო გამოურკვეველ სურვილებით შეპყრობილი.  
ამას ფიქრს უწოდებენ და უწოდებდნენ. სხეულის გამოურკვეველ სურვილებით შეპყრობილი  
ადამიანი ღრმად ჩაფიქრებული ჰგონიათ... ლომას ხანა ისეთი იყო... მიდის და მიაღრვევს...  
რისთვის... სად?... თითონაც არ იცის... უღრანი ტყე იმისთვის სათამაშოა... უშიშრად  
მიდის... აგერ სულახლოს რაღაც შრიალი შემოესმა და შემდეგ საშინელი ღრიალი... ამ  
ღრიალმა შიშის ზარი დასცა ტყეს... მთლად შეიპყრო... მხოლოდ ლომა კი არა... სწრაფად  
გამოერკვა და იქით მიიხედა, საიდანაც ღრიალი და შრიალი მოესმა... ჰხედავს... მარადისი  
მუხის ტოტები ირხვევიან ერთ ადგილას და იმ ტოტების პირდაპირ წამოქცეულ წიფელზე  
მდგომ ცხოველთა მეფეს...

ამის ღრიალმა გამოარკვია...



იმანაც შეასწროა ლომას თავალი... თითქოს ერთმანეთი მოეწონათო, წამს ეპიკურული  
 ისრები სწრაფად შეხვედრაზე აიღესენ და ღრმად... ღრმად ჩაერქვნენ მოპირდაპირე  
 რო იცნეს ერთმანეთი, საბრძოლველად შეუტოკდათ სხეული იმათი მშვიდად განშორება  
 შეუძლებელი გახდა...

ცხოველთა მეფე კამარის შესაკრავად მოემზადა...

ლომამაც თავისი უძლეველი შვინდის კეტ-კომბალი მოიმარჯვა... მიდამოს თავის და უნებუ-  
 რად მოავლო თავალი...

ველი დიდი იყო... მოძრაობას არა დაუშლიდარა...

წამიც არ გასულა, რომ ცხოველთა მეფე ისარივით გადმოეშვა ლომასკენ და...

— ჭახ!.. — წამს ახმაურდა მიდამო.

ცხოველთა მეფე გადატრიალდა რამდენჯერმე და სწრაფად წამოხტა მარდად, მაგრამ წინა  
 ტოტები მოჰფენებოდა...

მაგრამ ცხოველთა მეფეს ეს არ აშინებდა... კბილები ხომ გააღმასებელი ჰქონდა...

ლომა გაუხტა გვერდზე, და ამავე დროს კიდევ მოისმა საშინელი ჭახანი...

ოდნავ გმინვა და მოისმა... იმის წინ მთრთოლარე ლომი ეგდო...

სახის და კისრის დატენილი სისხლის მიღები ნელ-ნელა უფუჯდებოდნენ...

მედგრად მცემავი გული უმშვიდდებოდა...

— ლომავ, ლომავ!.. — აშრილდა მუხის ფოთლები და გამოისმა წკრიალა ხმა...

ლომის ღრიალს ისე არ შეუერთია ლომა, როგორც უცნაურმა ნაზმა ხმამ...

ხმასთან ერთად მუხის ძირითა ტოტიდან ჩამოეშო ტყის დედოფალი...

ლომა განცვიფრდა, ასეთი სიმშვენეიერე თავის დღეში არ უნახავს. ტყის დედოფალი ალერ-  
 სით შესცქეროდა შორი-ახლოდან და თითქოს მიახლოებების ნებას სთხოვდა...

ლომას ტანში ერთუანტელმა, სიამის ერთუანტელმა დაურბინა, დატენილი სისხლის მიღები  
 სულ დაეფუკა და გულის მოძრაობა შეუდგა...

ძლივს მოახერხა წაფშმეველა, სახეზე ოდნავ ხელის გადასმა, მუხლები ჩაეკეცა, და ჯერ  
 ისევე მთრთოლარე ლომის სხეულზე მიესვენა...

ტყის დედოფალი წამს იმის გვერდით გაჩნდა და მშობლიურის ალერსით ხელი შეახო...

ლომა გონს მოვიდა. ძლიერი მკლავი შემოურკალა ტყის დედოფალს ლომამ და მკერდზე  
 მიიკრა... ეხლა და იგრძნო, თუ ასე გზა აბნევით რას დახეტიალებდა... იგრძნო, რაც უნ-  
 დოდა და რასაც დაეძებდა...

იმ დღეს იქ დაჰყვეს... იქორწილეს და მეორე დღეს განთიადისას ქალმა ლომა ლომით  
 თავის თემის ბანაკში მიიყვანა, როგორც თავისი ქმარი...

ლომამ დაჰყო ცოლეურთოს რამდენიმე დღე. შემდეგ კი თავის ცოლით თავის თემისკენ  
 გაემგზავრა...

ირი თემი შეაერთა და წინამძღოლად ორივემ ლომა ამოირჩია...

— ჩხაკ... ჩხაკ!..

ლომა გამოარკვია ამ ჩხაკუნმა... მოკუმშული გული უფრო ძლიერად მოეკუმშა და სუსტად  
 დაუწყო ცემა... „გოდორს ჰწნავს!“ გაიფიქრა ლომამ...

„რომ გამიტანოს მთაზე და იქ დაშავდოს... ეხლა ურგებელი ვარ... და... თითონაც ჩქარა  
 ეს დღე დაადგება... კარგია კიდევ, მე არავისთვის გოდორი არ დამიწნავს... მამა ჩემი ბრძო-  
 ლაში დაიღუპა... დედა ჩემი კი ამის შემდეგ ჩქარა გამოესალვა წუთისოფელს...“ შუბლი  
 შეეკუმუხა მშობლების ხსენებაზე...

„არა... არა... მამისთვის გოდორს არ დავწნავდი... ის მოამაგე იყო... ის...“

— ისეთი გოდორი დაწან... — წამოილაპარაკა ლომამ და გაჩუმიდა, რადგანაც ისევე მოგო-  
 ნებამ გაიტაცა...

ფოცხვერამ ხელი შეაყენა მამის ხმის გაგონებაზე.

— როგორი, მამავ? — შეეკითხა ფოცხვერა, რაკი ლომამ აღარ დაათვა აზრი, მაგრამ სუხი მაინც ვერ მიიღო.

„ბოდავსო“, წაიბუტბუტა ფოცხვერამ და ისევ გოდრის დაწვნას შეუდგა...  
ოდნავად დაწუნობდნენ თხილის ნაზი ტოტები და სიამით ეწვნებოდნენ გოდორს...  
ლომა კი ამ დროს დაცურავდა თავის მოგონებაში.

ისე უგზო-უკვლოდ აღარ უვლია, რაკი ტყეში თავის გულს შეჰხვდა. ეხლა ყოველი ნაბიჯი წინადვე გაზომილი ჰქონდა. იცოდა, სად და რისთვის მიდიოდა, ან უნდა წასულიყო...  
წინ მიუძლოდა ორ შეერთებულ თემს და საუკეთესო ადგილებზე ამყოფებდა ზამთარ-ზაფხულს. აი, ეხლა სადაც არის, ხომ ამან ამოარჩია საზაფხულო ბინად და, საითაც ღდეს საზამთროდ გაემგზავრა თემი, ხომ იმისივე არჩეულია...

„უჰ, რა ძლიერად აბრიალებს მზე თვალს!..“ რა მყუდრო ადგილი და მზიანია!.. ყველას მოსწონდა ის ადგილი... მეზობელი თემი რამდენჯერ შემოესია, უნდოდა წაერთვა, მაგრამ ლომა ყოველთვის კუდიტ ქვას ასროლინებდა ხოლმე...

ეხლა?  
ეხლა იმ ადგილს ველარ ჰნახავს.  
ახ, რო კიდევ შეეძლოს მზის ბღღვრიალა თვალში გახვევა!.. რამდენჯერ იჯდა კლდის ძირას წარსულ ზამთარს... მზე კი პირდაპირ უბღღვრიალებდა თავის დიდ თვალს, რომლის სხივებშიაც მოქცეული იყო მთელი არე, მთლად კლდე და ოითონ ხომ სულ შუგ შუა ბაიაში იჯდა!.. მაშინ კიდევ ჰხედავდა... მხოლოდ აქ, საზაფხულო ადგილას წაერთო სინათლე... თავისუფალი მოძრაობა ამისთვის აღარ შეუძლიან, თორამ ჯერ კიდევ ივლიდა...

ეხლა გზის მაჩვენებელი უნდა ჰყვანდეს... თავისვე ფეხით ჩავიდოდა თავის ბღვრიალა თვალა მხესთან, მაგრამ „ჩხაკ... ჩხაკ... ჩხაკ... ჩხაკ!..“ ფოცხვერამ საკმაოდ დაწნა გოდრის გვერდები და ეხლა კეტიტ სცემდა გარშემო, ზევიდან, რომ წნელი წნელს მკვიდრად დაჰკავშირებოდა... ძირის გამოწვნა და დარჩა...

ლომა შეირყა ამ ჩხაკუნით... იგრძნო, ჩქარა გოდორი მზად იქნებოდა, და იმისი აღსასრულიც...  
მზის ბღღვრიალა თვალში ველარ გამოეხვეოდა... აქნობამდის იცოდა და იმის ნებაც იყო, სად და რისთვის მიდიოდა. ეხლა კი იცის, სად რა რისთვის მიდის კი არა, წაილებენ, მაგრამ იმის უნებოდ... ეს წესი... მართალია, თითონ ამ წესზე არ უვლია, შემთხვევა არ ჰქონდა ამისა, მაგრამ იმის თემში ბევრი ამისთანა შემთხვევა ჰქონდა ენახა. მაგრამ არავითარი წინააღმდეგობა არ გაუწევია...

ეხლა ჯერი თითონ ლომაზე მიდგა და...  
ხომ არას ამბობს? ჰმორჩილდება წესს... მარტო უნდა ფოცხვერას ამცნოს, რომ იმისი შვილები არ ეწვალნენ, როგორც ესენი არ წვალობენ, როცა ზამთარ-ზაფხულ ბინას ცვლილობენ. იმისგან არჩეულ ბინას და გზას არა სტოვებენ და ადვილად მიდიან. თორემ რა იქნებოდა, რომ ეხლა ახალი ბინა და გზა ეძებნათ... ფოცხვერას შვილებსაც დასჭირდებოთ გოდრის დაწნა...

მაშ...

— შენ შვილებსაც რო გამოადგეს!.. — წამოიძახა ხმა მალღა ლომამ...

ფოცხვერამ შესწყვიტა ჩხაკუნი და მაშინვე შეეკითხა:  
— რა გამოადგეს ჩემ შვილებს?..  
— გოდორი!..  
— რა გოდორი?

— რა გოდორს მიწნავს! შენთვისაც ხომ მოუნდებოთ შენ შვილებს, როცა ჩემსავით დაუსინათლოვდები...  
ფოცხვერამ პირი დააღო...

## კ. მაყაშვილი

### ბარაკი.

თავმომწონ კრეტინთა პალაცო—ბარაკი...  
ცვეთილი აზრები... ეგ სწორი ხაზები...  
ერთი და იგივე დღე და ღამ არაკი.  
ერთი და იგივე მყვირალა ფრაზები!..  
ცივიანი ბაგეთგან სიტყვები... სიტყვები,  
ვით შჩატე, უგულო, ჭიანი კაკლები!  
დაძრწიან, ჰკრეფენ მათ სულელი ციყვები,  
სულელი... არც მეტი და არცა ნაკლები!..  
ტვინი არ მოძრაობს გაყინულ-დამზრალი,  
ენა კი მოშლილი იძვრის და ლაქლაქებს!..  
კაცუნა წუმბეში ყელთამდის ჩამძვრალი  
ბეჯითად დაეძებს მზეზედა შავს ლაქებს!..  
რა საშინელია კრეტინთა ბარაკი:  
იქ ყველა დიდია, იქ ყველა გმირია!..  
ერთსა და იმავეს გვიამბობს არაკი:  
მკვდარ პაპსა სჯობია ცოცხალი ვირიჩქ!

### ია ეკლამე

#### ცხორების ტალღებში

(დაუბეჭდავ რომანიდან)

#### I

#### მარცხი.

— ალექსეი იგნატიევიჩ! ნებას მიბოძებთ შემოვიდე? — დაიწკრიძალა დერეფანში ქალის ხმამ.  
სტუდენტმა ალექსი კამაძემ ყურები აცქვიტა და უპასუხა:  
— რატომ... მობრძანდით!  
ოთახში შემოვიდა დიასახლისი მარია პეტროვნა.  
— უკაცრავად, აქაურობა ასე დაულაგებელია! — ლულულუღებდა ალექსი და თან ბლუზის  
საკინძქეს იკრავდა.  
— ეს სულ ჩემი ბრალია... დღეს ვეღარ მოვიცალე, ოთახი დამეღაგებინა... ანაზღუ-  
ღად სტუმრები მოვიდნენ, — დიმილით ჩამოართვა მარია პეტროვნამ და ხელი გაუწოდა.  
— გამარჯობათ, გამარჯობათ, ჩვენო ბერ-მონაზონო! რატომ არ გვეწვიეთ, თქვენთვის  
ხომ არას მოვიმატებდით? — ნაზად უსაყვედურებდა მარია პეტროვნა და თან თვალებით  
ემშაკურად უცინოდა.  
— ღმერთს გეფიცებით არ მეცალა... გამოცდები მაქვს... ხომ იცით, რა ძვირფასია დრო...  
დაბრძანდით! — მიუთითა სკამზე ალექსიმ, თვითონ კი მერხზე ჩამოჯდა.  
— ძვირფასო ალექსი იგნატიევიჩ, მე ბოდის მოსახდელად გიახვლით... მოსამსახურე  
სახლში დამეთხოვა და თქვენთან სამოვრის შემომტანი არავინ არის. არ შეიძლება ამობრ-  
ძანდეთ ჩემთან, ზევით? იქ ყველაფერი მზად არის: ჩაი, დასანაყრებელი... ცოტა ღვინო.  
— გამადლობთ დიდათ, მარია პეტროვნა! რალაც შეუძლოთა ვარ, ბევრი ვიმეცადინე და



თავსბრუ მესხმის, — აღარ იცოდა, რა ეთქვა ალექსის.

— მერე რათა მეცადინეობთ მაგდენს, რატომ არ გაივლ-გამოივლით, არ გამზიარულდებოდით თქვენ ახლა ტარბივით უნდა დატრიალებდეთ ახალგაზრდა ქალებში... არ მოეწონებოდა თუ? — ალერსიანად უთხრა მარია პეტროვნამ და ისეთი თვალით შეხედა, რომ ალექსიმ უსიტყვოდ თავი დახარა.

უხერხული ხანგრძლივი სიჩუმე ჩამოვარდა, ისე რომ ჩვენ კიდევ მოვასწრებთ რამდენიმე სიტყვის თქმას დიასახლისის შესახებ.

მარია პეტროვნა ანუ, როგორც მას უძახდნენ, „მადამ მარი“, ქვრივი იყო, 38 — 40 წლისა, მაგრამ არც ქვრივობასა და არც წლებს მისთვის ვერა დაეკლოთ რა: ტანადი, თურაშაული ვაშლივით შეთქვირებული და დიდის გემოვნებით გამოწყობილი, თაიგულივით გამონასკული იყო სკამზე და მშვენიერ დიღობს ლურჯ თვლებს ციცუნისავით ნაბავდა, რის გამოც გრძელი და ხშირი წამწამები მის კოპწია ცხვირს ჩრდილს აყენებდნენ. მაღალი გულ-მკერდი ყანასავით უღელავდა და თეთრ-წითური სახე სარკესავით უბრალებდა. ქერა, ხშირი თმა ოქროს ზვინად დასდგომოდა კეფაზე და მარჯანა ტუჩები საყვარლად გაჰპობოდა. ამ წუთას სჩანდა, რომ ბუნებას იგი საშვიკოდ-სალალობოდ გაეჩინა, თუმცა სხვა დროს ვაგლახად ვერაინ რას შეჰკადრებდა: ამაყი იყო, ზოგჯერ უკმეხიც, თავისი თავისა და თავისი სილამაზის ფასი კარგად იცოდა. არც თუ უბიბი, უვიცი დედაკაცი დაერქმეოდა — სახელოსნო სასწავლებელი ჰქონდა დამთავრებული. ადრე გათხოვილი ადრევე დაქვრივებული იყო და დღეს სრულიად დამოუკიდებლად სცხოვრობდა. ქალთა ტანისამოსის სამკერვალოს პატრონი, ათსა თუ თხუთმეტ გოგოს იმსახურებდა. კარგა ძალი ფულიცა ჰქონდა შემონახული შავი ღლისათვის. კოპწია, მუდამ მოღიმარი და ინტელიგენტურ სიტყვა-პასუხის მარია პეტროვნა ბევრ სასიძოს უმღელვარებდა გულს, მაგრამ დღევანდლამდე თავი ისე ეჭირა, რომ ყველა პირში ჩალა-გამოვლებული რჩებოდა.

დღეს კი?...

ველარავინ იცნობდა მარია პეტროვნას!

ალექსის დანახვამ პირველ დღიდანვე დაარღვია მისი სულის სიმშვიდე და დაზლის ძაფივით დასწეწა მისი აზრ-ფიქრები. ალექსისთან დაახლოვების სურვილმა ბუმბულივით აიტაცა მარია პეტროვნა და სულ მოლად დაუბნია ჭკუა-გონება, წაართვა ქალური კდემამოსი ლებაც კი.

მიზეზს ნუ იკითხავთ!

ვინ ჰკითხავს ქარს: რად ალევებ ზღვასაო, ან ვინ ეტყვის ცეცხლს: რადა სწავე თივასაო? სიყვარულიც ცეცხლია გულისა, ქარიშხალია ვნებათა-ღელვისა! ბევრჯელ დაიპატიჟა მდგმურნი — სტუდენტი თავისას მარიმ, ბევრჯელ გადაუდგო ანკესი ალერსიანობისა, მაგრამ ალექსი ან ვერ ჰხედავდა დაახლოვებას, ან ვერ ხედებოდა ამ ანკესებს:

ვისაც ვინ უყვარს, იმის ლამაზი ის არის! ალექსისაც თავისი საკუთარი გრძნობათა ცეცხლი ეკიდა გულზე და ფიქრთა იალქნები სულ სხვა მხარეს მიაქროლებდნენ მის სურვილებს.

მოთმინებიდან გამოსულმა მარიმ პირდაპირი იერიშის მიტანა გადასწყვიტა და სწორედ ამ განზრახვით მოვიდა ალექსისთან ამ საღამოს.

— მაშ, არ ამოხვალთ ჩემსას? — როდის-როდის დაარღვია სიჩუმე ისევ მარიმ.

— მაპატიეთ, არ შემძლია მეთქი — აკი მოგახსენეთ!

— რატომ?.. გეჯავრებით?

— რათ უნდა მეჯავრებოდეთ! — გაიკვირვა ალექსიმ.

— მაშ, მოგწონვართ?.. გიყვარვართ?

ალექსიმ განცვიფრებით შეხედა და წამოწითლდა.

— ალექსეი იგნატიევიჩ! ნუ თუ ვერა ხედავთ? — ენის მოკიდებით შეეკითხა მარია პეტროვნა, ჯერ სიყვარულით სავსე თვალებით შეხედა და მერე თავი დახარა. ტუჩები უთრ-თოდნ. სატირლად ემზადებოდა.



— რასა?—სიტყვა ბანზე აუგდო ალექსიმ და მღელღარების დასაფარავად პაპიროსი დაიწყო.

— იმას, რომ... ვიტანჯები!

— არა მესმის რა!—მხრები აიწია ალექსიმ.

— მართლა რო ბრმა ყოფილხართ და ყრუ!—დაიხავხავა ქალმა, სახეზე ხელები აიფარა და ყრუდ აქვითინდა.

ალექსი ზეზე წამოიჭრა, დაიბნა, დაიფანტა: აღარ იცოდა, რა ეთქვა, რა ექმნა.

— ნუ... ნუ გამწირავთ, მანუგეშეთ!—სთქვა ქალმა და ხელები გაუწოდა. წამწამებზე ცრემლები მარგალიტოვით გადმოჰქიდილობდნენ.

— რას ამბობ, ადამიანო, რა გვაქვს მე და შენ საერთო?

— ალექსეი იგნატიევიჩ! ალიოშა! ნუ ჯავრობთ, ძვირფასო... მიმიღე... მიმსახურე... უთქვე-  
ნოდ... უშენოს სიცოცხლე მიმწარდება...

— თქვენ ანგარიშს არ აძლევთ თქვენ თავს... მთვრალი ხომ არა ხართ?! ხვალ თქვენვე შეგარცხვებათ თქვენივე სიტყვებისა!—თქათა-თქუფით სთქვა ალექსიმ, ხაროვით შებღვირა ქალს და ქუდს მიაშურა.

— ნუ, ნუ წახვალთ! ნუ დამტოვებთ, ჩემო ძვირფასო! დიახ, მე მთვრალი ვარ, მაგრამ არა ღვინით, არამედ... შენის სიყვარულით. ალექსეი იგნატიევიჩ... ალიოშა!—წაეტანა ქალი.

— შეგაჩვენოს ღმერთმა! ეს რა ეშმაკი ვადამეკიდა!—წაიდუღუნა ალექსიმ ქართულად, ქუდს ხელი დაავლო და გარედ გავარდა.

მარია პეტროვნას გაწვდილი ხელები ჰაერში დარჩა... სიბრაზისა და სასოწარკვეთილებისა-  
გან თავზარდაცემულს მუხლები აუკანკალდა, სახე შეეშალა: მშვენიერი, ნაზი, ალერსიანი ქმნილება ძუ ვეფხვად გადაიქცა.

— წავიდა!? მაგრამ სად, სად წამიხვალ? ამ დამკირებას არ შეგარჩენ, კავკასიელო თევზო!—  
ქვითინით წარმოსთქვა მარიმ და ბარბაცით გასწია შინისაკენ...

## II

### შეყვარებული.

იმავე ღამეს მარია პეტროვნა პერანგის ამარა მიგდებულებო ლოგინზე და ტკბილ-მწარე საგონებელს მისცემოდა.

ცრემლმა და ქვითინმა ვერ დაამშვიდა მისი ცრცხლოდებული არსება, ჰაბუკის თავშეკავე-  
ბამ ვერ ჩააგდო იგი გულისხმაში. პირიქით, რაც უფრო ბევრსა ფიქრობდა, მით უფრო  
ელგზნებოდა, მით უფრო სასურველადა და სანატრელად უხდებოდა ალექსის სიახლოვე.

გავარდნარებულ-ამრეზილი ოცნებით გამოჰქიდიბოდა შავ-თვალა ყმაწვილ კაცს და მზად იყო  
ერთი მისი დანახვისათვის გაეწირა მთელი თავისი სიცოცხლე.

ჭერში ჩამოკიდებული ბღღვრიალა ლამფა განცვიფრებით დაჰყურებდა მეოცნებე ქალს და  
საწოლის პირდაპირ ამართული დიდი სარკე კედლისა აღბეჭდავდა ფიქრად ქცეულ დიაცის  
სახის ყოველსავე მოძრაობას.

სახე იგი კი ხან მაისის ვარდივით დაჟღაჟდებოდა, მთვარიან ღამეს ბულბულის მოლოდინ-  
ში საყვარლად რო გადაიშლებოდა ხოლმე, ხან კი ბნელ ღამესავით პირქუშდებოდა, საწვიმ-  
რად მომზადებული ცა უკუნეთად რო აქცევს ხოლმე მიდამოს.

იმედი და სასოწარკვეთილება, დათმობა და შურისძიება, პატიება და ზღვევა,—ეს თანამგ-  
ზავრნი შეურაცყოფილ შეყვარებულის გუნების ტრიალისა,—რიგ-რიგად ეჯარებოდნენ  
მარის გულს და ყველა ერთად დნებოდა იმ დაუშრეტელ ცეცხლში, რომელსაც, საზო-  
გადოდ, სიყვარული ეწოდება.

მაგრამ ეს არ იყო სიყვარული ჯერედ უმანკო ცირასი, ნეტარებისა და ბედნიერების ცრემ-  
ლებს რო აფრქვევს ხოლმე შორს წასულ სატრფოს მოგონებაზე.



ეს არ იყო სიყვარული არც დედა-ქალისა, მთელი თავის არსებით რო ეწირება მამას შვილებისას, დასაცავად ოჯახისა და მოვალეობისა.

ეს იყო აღტკინება ფურ-ირემისა, გზა-აბნეული რო ჩამოვარდება ხოლმე ბარად, როცა მთაში გულის ტოლი და სწორი აღარა ჰყავს.

ეს იყო გაბატონება ხორცისა სულზე, გამეუფება გულისა გონებაზე და...

მარია პეტროვნა სწყევლიდა თავის წარსულს, სწყევლიდა თავის აწმყოს, სწყევლიდა თავის მომავალსაც, თუ კი ალექსის ვეღარ ნახავდა და მის ღრმა თვლებში არ ამოიკითხავდა თავის სიცოცხლის ამოცანას.

„ნუ თუ სამუდამოდ გამშორდა? ნუ თუ მართლა იმდენად დავბერდი, რომ საზიზღარი ვიყო?“ მეთათსედ დაეკითხა თავის თავს მარი, ქურციკივით წამოიჭრა ლოგინიდან, ერთი ხელის გაქნევით თმები ჩამოიშალა, პერანგი გადაიძრო და სარკესთან გაჩნდა.

ვით ტყის ფერია, ვით ხორცშესხმული გრძნეულება და ჯადოქრობა, ვით სულჩადგმული ვნებათა ღელვა და თავდავიწყება, დატრიალებდა მარია პეტროვნა სარკის წინ და მუშტრის თვალით სინჯავდა თოვლის ფიფქივით სპეტაკ თვის ტანს, მარმარილოდან გამოკვეთილ თავის მხარ-ბეჭს, სპილოს ძვლებიდან გამონაკვთულ ბორცვებს თავის მკერდისას, თხემზე რო მარჯნის მძივები გამონასკვოდა და ოქროს თმებში ხელებ გაყრილი უღიმოდა ვიღაცას და რაღაცას...

ტურფა მაცდურების მომზირალ სარკესაც კი ქრეოლის ოფლის ასხამდა და განცვიფრებული სარკე იგი თანდათან უახლოვდებოდა მარის, თითქოს ამ მაცდურების გულში ჩაკონებას ეპირებო.

—ვერა, ველ წაუხვალ ჩემს გრძნეულებას, ვერა!—ხითხითებდა მარია პეტროვნა და აღტკინებით იწმაწნებოდა...

გათენდა. დღის სიცხადემ ყინულივით გააღწო ღამის ზმანებანი და მღელვარებისაგან დაოსებულმა მარია პეტროვნამ თვალი ვეღარ გაუსწორა მზის პირველ სხივებს, რომლებიც სიცილ-კასკასით შემოეხვივნენ ღამაში ქალის საწოლს. მარიმ საბანი წაიხურა და დარცხვენით გაინაბა...

### III

#### წერილის გამო.

გავიდა ხუთი თუ ექვსი თვე. ალექსი კამკამაძემ მაშინვე გამოიცვალა ბინა, მარია პეტროვნას აღარსად არ შეხვედრია და დავიწყებასაც კი მისცა იგი...

ერთ მხიარულ საღამოს ალექსიმ მიიღო შემდეგი წერილი:

„ღრმად პატივცემულო ალექსი იგნატიევიჩ! უკანასკნელ დღეში ვარ, —ფილტვების ანთებით. იმ წყეულმა ექიმებმა საშინლად გამაწვალეს. ჩემი ავადმყოფობა ჯერ ინფლუენცია ეგონათ, მერე სახადი, ახლა კი ფილტვების ანთებააო—მითხრეს—და თუმცა დიდად მიიმედებენ, მაგრამ მე ვგრძნობ, რომ ჩემი აღსასრულის დღეები მოახლოვებულია. თქვენ, მგონია, იცით, რომ პატრონი არავინა მყავს. ერთი ორი გროში მაქვს შემონახული... არ მინდა, რომ ჩემი მოწყობილი და შემოსავლიანი სახელოსნოც ოხრად დარჩეს. გადავწყვიტე, ჩემი ქონება ვუანდერძო რომელიმე დაწესებულებას... ბევრი ვიფიქრე და თქვენზე უკეთესი მრჩეველი ვერ გამოვნახე. გთხოვთ, გემუდარებით, მინახულოთ მომაკვდავი ადამიანი და უკანასკნელად მანუგეშოთ. თქვენი პატივის მცემელი მარია პეტროვნა.“

ალექსიმ მხრები ააწია, თავი გადააქნ-გადმოაქნია, ჩაფიქრდა და სთქვა: „წავალ, თუ მართლა უჭირს რამე... ვურჩევ... ხომ არ შემეპას...“ და ამ სიტყვებით გარედ გამოვიდა.

მარია პეტროვნას მშვენიერი ატლასის საბანი წაეხურნა და თმა-გაშლილი მთვარესავით იწვა ფაფუკ ლოგინში.



ფარდებ ჩამოფარებული და ნახევრად დაბნელებული ოთახი საიდუმლოებებით... ირგვლივ სურნელოვანი წყალით იყო ნაბკურები და მდიდრულად მორთული ოთახი იგი სიყვარულის ღმერთის სადგომს უფრო ჰგავდა, ვიდრე ავადმყოფის საწოლს, მაგრამ მარია პეტროვნა მაინც იწვა და ელოდა...

ზარა დაირეკა. ქალი შეკრთა და ლოგინში გასწორდა. კვნესა დაიწყო. მოსამსახურე გოგომ ფრთხილად გააღო კარი, ალექსი ავადმყოფის ოთახამდე მიაცილა და გამობრუნდა. ალექსი შეჩერდა. გული ცუდათ უცემდა.

— ეინ არის მანდ? მობრძანდით! — ნელის ხმით იკითხა მარიმ. ალექსიმ კარი შეაღო და კვლავ შეჩერდა.

— თქვენა ხართ, ალექსეი იგნატიევიჩ? გამდლობთ მობრძანებისათვის. აი აქეთ, აქეთ მობრძანდით, მგონია, სკამი უნდა იდგეს... — უფრო ნაზისა და მისუსტებულის ხმით უთხრა პეტროვნამ და თვალებით საწოლისკენ იწვევდა.

— აი სკამი... დაბრძანდით... ხელს ვერ ჩამოგართმევთ... ძალიან ოფლი მაქვს... დაბრძანდით, გეთაყვენეთ! — ხავხავებდა ავადმყოფი.

— რა მოგივიდათ, მარია პეტროვნა... არ გიხდებათ ავადმყოფობა! — თანაგრძნობით უთხრა ალექსიმ სხვა რომ ვერა მოახერხარა და სკამზე ჩამოჯდა.

— მე კარგადმყოფობაც არ მიხდებოდა... ყველა გამიბრბოდა... ყველა შერიდებოდა... მიიღეთ ჩემი წერილი?

— მივიღე... იმიტომაც გიახელით. არა გიშავთრა, მალე მორჩებით, თქვენ ხომ ისეთი ჯანსაღი იყავით, რომ... — ლულულულებდა ალექსი.

— დიახ, ჯანსაღი ვიყავ, მაგრამ გატყდა ჯანი, დამელია გული, აბა დახედეთ, ცარიელი ძვლები და ვარ! — ამ სიტყვებით ხელი გამოაცოცა საბნიდან, საწოლის ფეხზე მიმაგრებული გასაღები ელექტრონის ლამფისა გადაატრიალა, ოთახი საოცნებოდ გაანათა და საბანი გადაიხადა...

ლოგინში იწვა დედიშობილა მარი და ვარდის წყალით განბანილი მშვენება იგი ხელებ გაწვდილი, მიბნედილი გულში ჩაკონებას ემუდარებოდა...

ალექსის ჟრუანტელმა დაჰკრა, თვალთ დაუბნელდა და... წაწყმდა... ცთომილ იქმნა კამკამაძე, ვით „აბბატი მურე“ ზოლასი, ვით „წმ. ანტონი“ ფლობერისა, ვით „განდეგილი“ ჩვენი ილიასი.

ი ა ს ა მ ა ნ ი

მთის მეოცნებე.

ოდეს შეუქურა მთას გაუცინებს,  
ჩვენი მეჯოგე გარეკავს ფარებს.  
ლამის ვარამი გულს ვერ უმძიმებს,  
რომ გარიყრაჟი შეიხსნის კარებს.

გულ ხელ დაკრეფით ირჩევს ადგილებს,  
ზვერავეს ბეჯითად შორეულ ღრუბლებს:  
გზათა გაკვლევას ცდა უადვილებს,  
ხვალისთვის ნაცნობ ნიშანს იგულებს.

ინახავს აზრში მას მოთხრობისთვის.  
დროზედაც იცის წერტილის დასმა.  
არ დაითმობა აზრი გრძნობისთვის,  
მიზან შეწონით კეთდება დასკვნა.

სალ ოცნებაში ჰაეროვანი

ვერ შესცურდება გველებს სრიალით.  
ვერ გასტეხს მზერა გამბედოვანი,  
ხმა შემპარავი ვერცხლის წკრიალით.  
ხშირად გულს ლოდი დაეკიდება  
გადაეშლება ფიქრები უღვთო.  
მაგრამ ხშირადვე გადაიდება:  
ჩაჰქრება ჭმუნვა და ქარი უფროთო.  
ფიქრნი თუ სევდებს დაუმძიმებენ  
ყოველ დღიურის შრომის და ჯაფის,  
ვარსკვლავნი ტრფობით გაუღიმებენ,  
და ბედითობა ველარა სჯაბნის.  
გამოთხოვებულ არსებულ სჯულებს  
არ მოაკლებენ მინდვრები აღერსს,  
მთა გადაუშლის მგზნებარე გულებს  
და ქარიშხლისგან ამოთხრილ თვალებს.  
და ივლის ასე... მასთან იძინებს  
ნიაფი ღამის, ზაური დღისა.  
დღლის ვარსკვლავი კვლავ გაიცინებს—  
და მთას გაჰყვება მეუფე მთისა...

### არჩილ რუხაძე

#### სალამი.

შორეული სალამი... ძველს მეგობარს სალამი...  
ერთხელ მუდმივ ჩემთან იყავ... ერთხელ მხოლოდ ჩემი იყავ...  
მთვარის შუქზე ვფიცულობდით... ვარსკვლავები მოწმეთ გვეყავდა...  
და სიყვარულს, ჩვენს ტკბილ წამებს აღარ ჰქონდა დასასრული...  
დღეს მოსწყდი სევდიან გულს... დღეს არ ხარ ჩემთან ახლო...  
მტერმა სხვაგან გადაგკარგა... მტერმა გაგცა და გაგძარცვა...  
მაგრამ სხვაგან განდევნილი... უცხო ქვეყნად დარგული მუდამ თვალ-წინ მეველინები...  
გაზაფხულის ყვავილებში... თბილი ღამის ვარსკვლავებში შენ მახსოვხარ, შენზე ვფიცავ...  
და ჩემს გულში, მხოლოდ ჩემთვის დარდიანი სულ ვჭურჩულებ:  
— როდის მოვა, როდის ვნახავ?...  
რომ აღვენთო ძველებურათ ახალ-გაზრდულ აღტაცებით და იქვე შენს კალთებში მივიძინო,  
დავისვენო...  
შორეული სალამი!.. ძველს მეგობარს სალამი!..  
დავიქანცე შენს ლოდინში... თმას ჭალარა გაერია და სიბერე მეპარება...  
მაგრამ გული არ ბერდება, ძველებურად ახალგაზრდობს.  
ამ ცივ ზამთარს, სევდით, ძაძით მოსილ დღეებს არად აგდებს და შენ გიხმობს, შენზე  
ფიცავს...

ი. გრიშაშვილი.

ჩვენში თითქმის შეურყეველ მცნებად არის აღიარებული ის აზრი, რომ თანამედროვე ქართული პოეზიის განვითარების პროცესი უფრო მტკიცე ნიადაგზეა დამყარებული, ვიდრე ხელოვნების სხვა რომელიმე დარგის.

შეიძლება ეს იმიტაც აიხსნებოდეს, რომ ჩვენი ქვეყანა საუკუნოებით უფრო პოეზიის სამეფოდ არის მიჩნეული და არა ქანდაკებათა ჩამომსხმელთა, გამოკვეთელთა მხარედ.

ყოველ შემთხვევაში ერთი რამ ცხადია ჩვენთვის: თანამედროვე ქართული პოეზია უფრო მეტ ცხოველყოფილობას იჩენს, უფრო დასრულებული და დამთავრებულია, ვიდრე სხვა რომელიმე დარგი ეროვნულ შემოქმედებისა.

ამის ერთ-ერთ დამადასტურებელ ფაქტად შეიძლება ი. გრიშაშვილის პოეზიაზე ჩვეთვალთ. საქართველოში იშვიათია პოეტი თვისი შემოქმედების ორი ტომით.

მართლაც ეს მხარე რომ მიიღოთ მხედველობაში, დიდ პლიუსად უნდა ჩაეთვალოს პოეტს.

ამბობენ: ი. გრიშაშვილმა ვერაფერი შემატა თავის პირველ ტომს მეორე ტომით.

მე არ შემიძლიან სავსებით დავეთანხმო ამ სიტყვების ავტორს.

თუ თანამედროვე პოეზიაში არსებობს სურვილი შაბლონის გადალახვისა, არის ძიება ახალისა და არის ამასთანავე ერთგვარი მიხწვევა, ამგვარი ხალისი გრიშაშვილის პოეზიაშიც მოსჩანს.

პოეტი „ბარაშკაჯან“-ით მოველინა მკითხველ საზოგადოებას ამ თხუთმეტი წლის წინად. ორიგინალური და ლამაზი იყო პოეტის პირველი გამოსვლა, უფრო სწორედ რომ ვსთქვათ, შემოჭრა პოეზიაში თვისი გულწრფელი, უსათუოდ ორიგინალური, მაგრამ ამასთანავე ოდნავ ვულგარული ტონით, გრძნობით. ამ ლექსში სჩქებდა პოეტური განცდა ყარაიღელისა დიდი მაშტაბის ტემპერამენტით. აქ იყო პოეტური თქმა ეშხით დამწვარ ქალაქელისა სიტყვათა ორიგინალურ ათამაშებით. აქ იყო, თუ გნებავთ, ის აუცილებელი ელემენტი ღვთაებრივისა, ის ძლიერი სულიერი განცდა, რომელიც ახსიათებს პოეტს, შემომქმედს. შემდგომ: განმეორება იმავე თემისა, მაგრამ უფრო ხელოვნურად, სიტყვის დაწმენდით, გაშალაშინებით.

კოცნა, ალერსით დათრობა, მკრთალი ეროტიზმი ხშირი ლაფსუსებით.

და კიდევ: გადამღერება - გადამღერებულისა, თქმა - უკვე თქმულისა, მიხწვევა - უკვე მიხწეულისა.

და ბოლოს: „ტრიოლეტები შიითან ბაზარში.“

ტრიოლეტებით გამართლებულია მეორე ტომი პოეტისა. მეორე ტომის შედევრად უსათუოდ ტრიოლეტები უნდა ჩაითვალოს.

გრიშაშვილისთანა კარიერა პოეზიაში თანამედროვე პოეტებში არავის გაუკეთებია.

თუ „ბარაშკაჯან“ პრიმიტივი იყო, ანა-ბანა ახალგაზრდა პოეტისა, — „ტრიოლეტები“ დასრულებული ხელოვნური ნაწარმოებია დახელოვნებულ პოეტისა.

ტრიოლეტებში სჩქევს ჭეშმარიტი ქალაქური სული ახალი მანერით, ახალი ფორმით განსაზღვრული.

აქ გრიშაშვილი ძველი აზრით — ახალია, ძველი გრძნობით — განახლებულია.

და ამაშია, თუ გნებავთ, მისი ძლიერება, მისი გამარჯვება.

ინტელექტის გაფართოება, ინტუიციის გაფაქიზება, გემოვნებათა გადახალისება, ახალ დირებულებათა ხელ ახალი შეფასება, აი უმთავრესი მიზანი, რომელიც ყოველთვის უნდა ასულდგმულებდეს პოეტის შემოქმედებას.

ჭეშმარიტი პოეტის, უტყუარი ნიჭის სულისთქმა ამგვარია.



და გრიშაშვილმაც თვისი მესამე ტომით უნდა გაამართლოს ეს აზრი.  
ჩვენ გვწამს, რომ პოეტი ასეთი დიდი ტემპერამენტით, დაუშრეტელი გრძნობით  
გაძლიერებს, განაახლებს თავის პოეზიას.  
ეს იქნება საუკეთესო კარიერა პოეტისა.

### მოლიერის 300 წლის დღესასწაული ევროპაში.

მიმდინარე წელს შესრულდა 300 წელი საფრანგეთის უდიდესი მწერლის, უკვდავი კომედი-  
ის შემქნელის მოლიერის დაბადებიდან (1622—1673). უწინარეს საფრანგეთში და მერე  
ყველგან ევროპაში ეს დღესასწაული აღინიშნა დიდის ზეიშითა და აღფრთოვანებით. ევრო-  
პის ყურნალ-გაზეთები ეწირებიან მოლიერის ხსოვნას: მწერლები, დრამატურგები, საზო-  
გადო და პოლიტიკური მოღვაწეები, პოეტები, ვალად იღებენ უძღვან უკვდავ მოლიერს  
წერილები, სიტყვები, სონეტები. საფრანგეთის პრეზიდენტი მილიერან სიტყვას წარმო-  
სთქვამს სორბონში, სადაც გაიმართა დიდი სადღესასწაულო ცერემონია. პარიზის მუნიცი-  
პალიტეტი ნიშნავს იანვრის 16-ს მილოცვის დღედ და როგორც ფრანგები, ისე  
უცხოეთის წარმომადგენლები ულოცავენ ამ ბრწყინვალე დღეს პარიზს, მოლიერის მშობელ  
ქალაქს.

ძველ ლუვრის სასახლეში იმართება წარმოდგენა იმის აღსანიშნავად, რომ 1658 წ. სა-  
ფრანგეთის მეფემ მოლიერსა და მის დასს პირველად დართო ნება „თამაშისა“ სასახლეში. სწო-  
რედ იმავე დარბაზში, იმნაირადვე მორთულში, სადაც მოლიერი პირველად გამოვიდა სცე-  
ნაზე სასახლის წინაშე, დაიდგა მოლიერის პიესა. დარბაზი და სცენა სანთლით იყო განა-  
თებული და გობელინების ფარჩით მორთული. არაფერი აკლდა დეტალს მე-17 საუკუნის  
ცხოვრების სურათისას, გარდა იმისა, რომ დამსწრე საზოგადოება არ იყო მორთული  
უწყებული საუკუნის კოსტუმებში.

მეტად საინტერესო და საყურადღებოა თეატრალური ბერლინის მახვილობა: ბერლინის  
თეატრმა წარმოადგინა „ტარტიუფი“ თანამედროვე სახეებითა და კოსტუმებში, თითქო კო-  
მედიის მოქმედება წარმოებულყოფი მიმდინარე 1922 წ. ტარტიუფს ეცვა რედინგოტი, ელ-  
მარს უკანასკნელი მოდის კოსტუმი და სხ. წარმოდგენას დიდი შთაბეჭდილება დაუტოვებია  
და უკვდავ კომედიის უნივერსალური ხასიათი ცხადლუყვია. ძველი პიესების მოდერნიზა-  
ციის (გათანამედროვეების) იდეა არც ისე ახალია, ფრანგს Sarcey-ს ეკუთვნის პირველობა  
რასინის და კორნელის პიესების „გათანამედროვეებაში“.

აღსანიშნავია სტატისტიკაც: 1680 წლის იანვრიდან 1922 წლამდე მხოლოდ ერთს  
Comedie Francaise-ს წარმოუდგენია მოლიერის პიესები 21,584-ჯერ (100-ჯერ მეტად  
წელიწადში). ცალკე: 241 წლის განმავლობაში „ტარტიუფი“ — 2,202 ჯერ, „ექიმი ძალაუნე-  
ბურად“ (un Medecin malgré lui) — 1702 ჯერ, „ძუნწი“ — 1601 ჯერ, „მიზანტროპი“ — 1302 ჯერ  
და სხ. მოლიერის პიესებიდან ერთიც — სრულიად უმნიშვნელოც კი — არ დარჩენილა, რომ  
რეპერტუარში არ ყოფილიყო და არ წარმოდგენილიყო. ასეთი ბედი არ ღირსებია არც  
კორნელს და არც რასინს, რომლის ბევრი ნაწარმოები დარჩენილია რეპერტუარის გარედ.  
დასასრულ, არ შეგვიძლია არ გამოვსთქვათ სურვილი, რომ მოლიერის 300 წლის თავის  
დღესასწაული აღნიშნოს ქართულმა მწერლობამაც და თეატრმაც. ორგინალური იქნებოდა,  
ბერლინის მსგავსად რომ ჩვენი თეატრის რეჟისორები „გათანამედროვეებდნენ“ რომელსამე  
პიესას, მაგ. „ტარტიუფს“ ან „ძუნწს“ და ქართულ სახეებში მოგვცემდნენ მოლიერს. აზიურ  
სახეებშიაც თუ მოთავსდა მოლიერი, უნივერსალობა მისი სწორედ განსაცვიფრებელი იქნება.





# ზაქარია ჭიჭინაძე

სრულიად საქართველოს მწერალთა კავშირის საბჭომ დაადგინა, გადახდილ იქნას ჯალაღობა შემოსილ მწიგნობარის ზაქარია ჭიჭინაძის 50 წლის მოღვაწეობის იუბილე, და დაუკავშიროს მას ქართული წიგნის დღესასწაული. მწერალთა კავშირის საბჭომ გამოსცა შემდეგი შინაარსის მოწოდება:

„ქართული წიგნი სულია საქართველოს შემოქმედებისა. როდესაც მისი ისტორია დაიწერება, იგი იქნება არა მარტო წიგნის, არამედ საქართველოს კულტურის ისტორიაც. იყვნენ და არიან საქართველოში მწიგნობრობის რაინდები. ისინი უანგაროდ ემსახურებიან მისი აყვავების საქმეს. მათ შორის ყველაზე უფრო თავდადებული არის **ზაქარია ჭიჭინაძე**. 50 წლის განმავლობაში მოღვაწეობს ეს რაინდი ქართული წიგნისა. როდესაც იგი ამ ასპარეზზე გამოვიდა, თითზე ჩამოსათვლელნი იყვნენ საქართველოში საზოგადოებრივი იდეებით გატაცებული პიროვნებები. **ზაქარია ჭიჭინაძე** თავდადებით შეუდგა უკეთილშობილეს საქმეს: მთელი საქართველო მოთენილია მის მიერ გამოცემულ წიგნებით. მან მრავალი ხელნაწერი პირველად გააცნო საზოგადოებას. მთაწმინდის უბნები კიდევ ინახავენ ლეგენდებს იმის შესახებ, თუ ვის ჭერქვეშ იფარებდა თავს ჩვენი დევნილი ახალგაზრდობა, რომელმაც შემდეგ სახელი გაითქვა ლიტერატურაში, პოლიტიკაში და სხვ. ჩვენ არ მოგვწყინდება ამ სახელების ჩამოთვლა: შიო არაგვისპირელი, სილაბისტრო ჯიბლაძე, რამიშვილი, ნოე ჟორდანი, ფილიპე მახარაძე, ეგნატე ნინოშვილი, ვაჟა-ფშაველა, ბაჩანა, თედორე რაზიკაშვილი, პოეტის პარმენ ცახელი, იოსებ დავითაშვილი, ნიკო მარი, ალექსანდრე ყაზბეგი, აკაკი წერეთელი, ანარქისტი ვარლამ ჩერქეზიშვილი. ამათი რიცხვი ასობით ჩამოითვლება. უფრო მეტია მათი რიცხვი, რომელთაც მიწერ-მოწერა ჰქონდათ **ზაქარია ჭიჭინაძესთან**: აკადემიკოსი მარი ბროსე, პროფესორი დავით ჩუბინაშვილი, პროფ. ილია ოქრომჭედლიშვილი, ალექსანდრე ხახანაშვილი, პატრი მიხეილ თამარაშვილი და სხვები.

„სამაჰმადიანო საქართველოში პირველად შეიქრა ქართული წიგნი **ზაქარია ჭიჭინაძის** წყალობით, იქ მშობლიური ენის აღდგენის საქმეს მტკიცე საფუძველი ჩაუყარა მან. პირველს კუთვნის აგრეთვე წერილები ქართველ კათოლიკეების შესახებ და დაკანონება სიტყვისა: „ქართველი კათოლიკე“. მან პირველმა დასწერა ქართველი ისრაელების ისტორია, მეტად მნიშვნელოვანი წიგნები ოსების და ლაზების შესახებ. მას ეკუთვნის საქართველოში პირველი წერილი „კარლ მარქსზე“ მისი გადაცვალების გამო 1887 წელს. პირველმა ახსენა ახალი სახელები საქართველოში: პრუდონი, ლუი ბლანი, რომბერტ ოუენი, სენ სიმონი, ფურიე. ის თანამშრომლობდა საქართველოს ყველა გაზეთში და მათში დაბეჭდილი მასალები გამოვა რამდენიმე ტომი. რიცხვი ამ გაზეთებისა უდრის რამდენიმე ათას ნომერს. **ზაქარია ჭიჭინაძის** კალამს ეკუთვნის ორას ორმოცდაათამდე წიგნი. ამ რიცხვში დაბეჭდილია მხოლოდ ას თოთხმეტი, დანარჩენი კი, მეტად ძვირფასი მასალა, ჯერ კიდევ დაუბეჭდავია. ძნელია ჯერ კიდევ დათვლა იმ ავტორებისა, რომლებიც ცალკე წიგნებად გამოიცნენ **ზაქარია ჭიჭინაძის მიერ**. მან მოიარა მთელი საქართველო; იგი სხვა და სხვა კუთხეში ჰკრებდა ხალხურ შემოქმედების ნიმუშებს, ლეგენდებს, ზღაპრებს, ლექსებს. ქართული ჟურნალ-გაზეთები სავსეა **ზაქარია ჭიჭინაძის** ისტორიული წერილებით. ქართული ლიტერატურის კორიფეები გულწრფელ დაფასებას პოულობდნენ **ზაქარია ჭიჭინაძესთან**. წინაღ უცნობი და შემდეგში განთქმული სახელები ხშირად პირველად იბეჭდებიან **ზაქარია ჭიჭინაძის მიერ**. **ზაქარია ჭიჭინაძე** ერთად ერთი ადამიანია, რომელიც პირადათ იცნობდა ყველას, უძველესი ქართული ჟურნალის „ცისკარის“ თანამშრომლებიდან დაწყებული. იგი ერთად ერთი ინახავს ძვირფას მოგონებებს ქართული წიგნის აღორძინებისას. იგი გაპიროვნებული ტრადიციაა ჩვენი მე-19 საუკუნის კულტურისა. იგი მუდამ სუნთქავდა ქართული წიგნის მალაზიების ჰაერით. მისი ტიპიური ბიბლიოფილის სახე მარად ანთებულია ქართული წიგნისადმი სიყვარულით. თვითონაც წიგნია ცოცხალი.



„დადგა დრო, როდესაც დაფასებულ უნდა იქნას ეს უბრალო, მაგრამ დიდი პიროვნება. სრულიად საქართველოს მწერალთა კავშირის საბჭო მოუწოდებს მთელ საქართველოს მხარე ვალე მონაწილეობა მიიღოს ზაქარია ჭიჭინაძის საიუბილეო დღესასწაულში. ჩვენ დარწმუნებული ვართ, რომ საქართველოს საზოგადოებრივი აზრი ღიხს იქითაც და აქეთაც ენერგიულად გამოეხმაურება ჩვენს მოწოდებას და ეს იქნება უკეთესი თავდები ამ დღის ბრწყინვალედ ჩატარებისა.“

\* \*

პეტრე მირიანაშვილი (იხ. გაზეთი „ტრიბუნა“ № 138) ზაქარია ჭიჭინაძის შესახებ სწერს: „მეთვრამეტე საუკუნის ისტორიაში იმას უდრის ვახტანგ VI, მაგრამ უპირატესობა ზაქარიას ეკუთვნის მაინც. როცა ვახტანგ ქართული კულტურის საქმეში ხშირად მბრძანებელი იყო, როგორც მეფე, მაგ. სხვას აბეჭდინებდა წიგნებს და ზოგჯერ თვით მუშაობდა. როგორც მეცნიერი მწერალი, ზ. ჭიჭინაძე თვითონ იყო ამწყობი, თვითონვე ბეჭდავდა... და თვითონვე ავრცელებდა ხალხში... არც ერთი საკითხი აღძრულა მწერლობაში ისეთი, რომ ზაქარია ჭიჭინაძეს ან წერილი არ ეძღვნას რომელსამე გაზეთში, ან ბინოგრაფია არ დაეწეროს იმ საკითხის გამო... ზ. ჭიჭინაძე ჩვენი ისტორიის ჭიჭიტანაშიაც ახერხებდა გადავს და გამოქვეყნებას ისეთი ამბებისას, რომლის არსებობაც მანამდის არავის ეგონა. ასეთი იყო, მაგ., საკითხი ერეკლე მეფის და გიორგი XIII ის დროს საქართველოს რესპუბლიკის დაარსებისა, რომელსაც თაოსნობდნენ, სხვათა შორის, მაშინდელი კათოლიკე პატრები... ქართულ წიგნს იმაზე უფრო ენერგიული მეგობარი იშვიათად გამოსჩენია... სწორედ საკვირველია, როგორ ახერხებდა ერთი კაცი ამდენი წიგნების ბეჭდვას და გავრცელებას...“

პეტრე მირიანაშვილი კიდევ სხვა ბევრ ღვაწლს აღნიშნავს ზაქარია ჭიჭინაძისას და დასასრულ სწერს: „რაც კირი გადაუხდია ამ ქართველ კულტურ-ტრევერს, დღეს ღიხინად უნდა შეეცვალოს, და ღიხინი იგი უნდა იქმნეს ზაქარიასთვის 50 წლის მოღვაწეობის იუბილე, რომელიც უნდა გადაუხადოს ქართველმა ერმა.“

\* \*

ბ. თავზარაშვილი (იხ. გაზეთი „ტრიბუნა“ № 142) სწერს: „არ არის არც ერთი ჰუმანიტარული მიმართულება საქართველოს ერის ცხოვრებაში, რომ ზაქარია ჭიჭინაძის კალამს არ შეესწავლოს და არ აეწეროს. განსაკუთრებით იგი ძვირფასია, როგორც ისტორიკოსი. წიგნები, რომლებიც ზაქარიას კალამს ეკუთვნიან და ასწერენ საქართველოს განაპირა კუთხეებს, ძლიერ საინტერესონი არიან. ოსეთი, ოდიშ-აფხაზეთი, სამუსულმანო საქართველო, მესხეთ-ჯავახეთი, არტანუჯ ლაზისტანი, ლივანა-შავშეთი, — ყველა ამის შესახებ ვრცელი მონოგრაფიები მოეპოვება ზაქარია ჭიჭინაძეს.“

„აუარებელი პოლიტიკური ხასიათის შემთხვევა ჩვენი ისტორიის უკანასკნელ (მე-XIX საუკ.) ხანის არენაზე, რომელნიც ჯერ კიდევ უცნობი ან ნაკლებად ცნობილი იყვნენ ქართველ ფართო საზოგადოებისათვის, ისტორიის ენერგიულმა ებგურმა ყველასათვის ხელმისაწვდომი გახადა და მისცა საშუალება მოზარდ თაობას გაცნობოდა ერის ახლო წარსულს.“

„1804-6 წ.წ. მომხდარი პოლიტიკური აჯანყებანი დასავლეთ საქართველოში, 1812-32 და 1860 წლებში მომხდარი ამბები და შეთქმულებანი რუსეთის მონარქიული რეჟიმის წინააღმდეგ... შეისწავლა და გამოსცა ამ იშვიათი ენერგიის პატრონმა ადამიანმა.“

„დიდი პიროვნებაა ზაქარია როგორც ბიოგრაფიცი, დაუფასებელია იგი როგორც საქრის-



ტიანო, ისე კათოლიკური საეკლესიო მკლევარი. არ დაუტოვებია აგრეთვე მკურნალობის ისტორია. ქალთა საკითხებზედაც მუშაობდა იგი, მაგრამ რომელი ერთი უნდა ჩამოითვალოს...

„თუ ვისმეს სურს იხილოს ცოცხალი ენციკლოპედისტი, გაეცნოს ცოცხალ ისტორიულ სურათს, პარადათ განიცადოს წარსული მოვლენა საქართველოს ცხოვრებიდან, მან უნდა გაეცნოს ზაქარია და მოისმინოს მისი დინჯი გონივრული სჯა და აზრიანი ბაასი.

„ამ მოკლე ხანში ქართველ საზოგადოების წინ წარსდგება ზაქარია ჭიჭინაძე, ქართველი ხალხი სიყვარულის გვირგვინით შეამკობს მის მოხუც სახეს, მის სპეტაკ შუბლს“.

\*  
\*\*

რ. კ. ვაზეთ „კომუნისტ“-ში (№ 40) სწერს:

„ქართველი მკითხველი, რა წრესაც უნდა ეკუთვნოდეს ის, კარგათ იცნობს ზაქარია ჭიჭინაძეს, როგორც ქართული წიგნის გამომცემელს და გამავრცელებელს. მისი იუბილე, ეს იუბილე იქნებოდა ქართული წიგნის, ვინაიდან ის ჩვენში ერთად-ერთი კაცი არის, რომელმაც 20—30 წლის განმავლობაში მარტოდ-მარტომ იკისრა ქართული წიგნის სისტემატიურათ გამოცემა და მისი გავრცელება ხალხში. ის ნამდვილი პიონერია ამ საქმის და თუ ქართული წიგნი მთავარი იარაღია ჩვენი მუშა ხალხის გათვითცნობიერებისათვის, მაშინ ზაქარიას მოღვაწეობაც ღირსია დაფასების და პატივისცემის ქართველი მუშათა კლასის მხრიდან...“

„რუსეთის „60-იანი და 70-იანი“ წლები ჩვენებურათ 80-იანი წლებია, ეს ჩვენებური უტოპიური სოციალიზმის ხანაა. და აი ამ ხანაში გამოდის ზაქარია ჩვენში ქართული წიგნის გამომცემლათ და გამავრცელებლათ. ის ამ დროს პირველი შეიქრა ტფილისის მუშახელოსნებში, რომელთა შორის, როგორც თვითონვე ამბობს, „ჩვენებური პატრიოტიული წიგნის გავრცელება მიინდომა“, ვინაიდან ის მაშინ მისივე სიტყვით, „დიდი პატრიოტიყო“. მაგრამ მალე შენიშნა, „რომ მუშა-ხელოსნებს პატრიოტობა არ აინტერესებდათ, არამედ სოციალისტური აზრები“. ამიტომ მან „აღლო აულო ამ მოვლენას და მუშა-ხელოსანთა ერთი წრე შეადგინა“, სადაც ის სოციალისტური შინაარსის წაგნაკებს კითხულობდა და რუსის სოციალისტ-რევოლიუციონერების და ევროპის სოციალისტების ცხოვრება აცნობდა.

„საყურადღებო არის ის გარემოება, რომ მან ამ წრეში მეცადინეობა თავად ილ. ქავჭავაძის „გლახის ნაამბობით“ და „კაკო ყაჩაღით“ დაიწყო, ხოლო შემდეგ მალე გადავიდა რუსის და ევროპის სოციალისტთა ნაწერების გაცნობაზე.

„ამ წრის ერთმა მუშამ, მიხეილ მეტეხელმა ხელნაწერი ჟურნალიც დაარსა, რომელსაც სახელათ „მუშა“ უწოდა და რომლის №№ ჩვენებური ცნობილი ანარქისტის ვარლამ ჩერქეზიშვილის მეოხებით მხოლოდ ბერლინის მუზეუმში იპოვება...“

„არაა ისეთი საყურადღებო წიგნი რუსული და ქართული, რომელსაც ზაქარია არ გაცნობოდეს.

„ზაქარია გაეცნო მრავალ ძველ ხელნაწერს.

„ზაქარიას 50 წლის განმავლობაში ქართული წიგნებით დატვირთულს ვხედავთ საქართველოს ყველა კუთხეში, სადაც ის ამ წიგნებს თითქმის მუქათათ ავრცელებს.

„მას ვხედავთ საქართველოს ისეთ მივარდნილ განაპირა კუთხეში, როგორიც არის აჭარა, სადაც ის პირველი ცდილობს გაავრცელოს ქართული წიგნი, სადაც ის ამ მიზნით მაჰმადიანობასაც ეცნობა და ამ სარწმუნოების წიგნებსაც ქართულ ენაზე ავრცელებს.

„ქართული წიგნი, — აი რა იყო და არის ზაქარიას სატრფიალო საგანი და ამ საგანს შესწირა მან თავისი ახალგაზრდობა. დღესაც, ღრმა მოხუცების ჟამს, ის დაუზარებლათ, თავდადებით განაგრძობს თავის ვზას: ქართული მწერლობის სამსახურს.



„ის ცოცხალი მატთანა ჩვენი მწერლობის და ვისაც სურს გაიგოს ჩვენი აზროვნების განვითარების ისტორია, ის ზაქარიას ვერ აცდება, მან უთუოთ მას უნდა მიმართოს ისარგებლოს მისი მასალით.“

„ამიტომ ის ჩვენთვისაც ძვირფასია და ვუსურვებთ მას დღეგრძელობას“.

კობა — ია.

**თედო რაზიკაშვილი.**

მიმდინარე წლის 19 იანვარს, — ნათილიება დღეს, — ქ. გორის მახლობლად, სოფ. ხელთუბანში მოჰკლეს ქართველი მწერალი თედო რაზიკაშვილი.

თედო რაზიკაშვილი მესამე ძმა იყო მგოსნების ვაჟა-ფშაველასი და ბაჩანასი. მარტო ამ სახელების ხსენებაც საკმარისია, რომ ქართველმა მკითხველმა მოიგონოს თედოს ვინაობაც. თედო ერთგული მსახური იყო იმ დიად ქართულ-ხალხოსნურ წმინდა და ფაქიზ პოეზიისა, რომელიც ასე ძალუმაღ და იმედიანად მოსჩქეფდა ვაჟას კალმიდან, ასე თავისებურად ყალიბდება ბაჩანას ჩანგში და ასე ვაჟაკურად ჟღერდა თედოს ლექსებსა და მოთხრობებში.

გაიხსენეთ თედოს მშვენიერი, სიმბოლიური მოთხრობა „ფითრი“, მისი ლექსები „ნიკორა“, „მცხეთის ნანგრევებზე“, რამდენიმე ათეული სხვა მისი ლექსი და მოთხრობა, დაფანტული ჩვენ ჟურნალ-გაზეთებში: გაიხსენეთ მის მიერ დიდის გულმოდგინებით შეკრებილი ხალხური სიტყვიერების ნიმუშები (ლექსები, ანდაზები, არაკები, ზღაპრები), ეს ფასდაუდებელი მასალა ჩვენი ლიტერატურისათვის და დამეთანხმებით, რომ ქართულმა მწერლობამ დაჰკარგა დიდი მოამაგე, ნიჭიერი და თვალსაჩინო მუშაკთაგანი და დაჰკარგა იმ დროს, როცა თედო წელში გასწორდა ქონებრივად, დამწიფდა გონებრივად და გამოიწაფა ცხოვრების სიღუბნისთან ბრძოლაში.

თედო ჯერ კიდევ ჯან-ღონით აღსავსე ვაჟაკი იყო, გულგაშლილი, ვით ყვავილებით მოქარგული მდგლო საქართველოსი, მზიარული, ვით მთის ნაკადული და მედგარი, ვით სალი კლდე ფშავეთისა, — თედოს მამეულისა!

მოჰკლეს თედო! მოჰკლეს ქართველი მწერალი! ვ-ნ? რათა? რისთვის? — აი ის საკითხები, პასუხი რომლებზედაც თვალწინ გადაგვიშლის ქართველი მამულიშვილის ბედსა და ყოფნას, საზოგადოდ, და თედოს სიმწარით დასრულებულ დღეებს, კერძოდ.

ამ ოცდა ცხრა წლის წინად თედომ წარჩინებულად დაასრულა გორის საოსტატო სემინარია და, ქართველი მშრომელი ხალხისადმი სიყვარულით გატაცებული, დადგა სოფლის მასწავლებლად ხელთუბანში.

იმ დღიდან დაწყებული, ვიდრე უღირსებმა ხანჯლით გული არ გაუპეს, თედო არ მოშორებია ამ სოფელს. აქვე შეიერთო სომეხი გლეხს ქალი ცოლად (ხელთუბანში ძველთაგანვე ქართველებთან ერთად სომეხებიც სახლობენ), აქ შეიძინა პატარა მამული და თავისი დაულაღავი შრომა-გარჯილობით ააყვავა და გაამშვენიერა როგორც თავისი სახლ-კარი, ისე მთელი სოფელი ხელთუბანი: თედო იყო მაგალითი და დამრიგებელი გლეხკაცობისა, მათში წიგნის შემტანი, მათი თვალის ამხელი. მთელი მეჯვრისხევის მიდამო მადლობითა და პატივისცემით იხსენიებდა მას.

რწმენით იგი იყო სოციალისტ-ფედერალისტი: კალმით — ხალხოსანი მწერალი, მოქმედებით — დაულაღავი მუშაკი, სიტყვა-პასუხით — მეტყველი, ზრდილი და თავაზიანი, ჰურ-მარილით — საუკეთესო მასპინძელი, ვაშაკობით — გულადი და მოურიდებელი, ვით ხირიმის ტყვია: სამშობლოს არავის შეაგინებინებდა, გლეხ-კაცს არავის დააჩაგვრინებდა.

შეიძლება ამისი ბრალიც იყო, რომ მას ჰყავდი ორი მოსისხლე მტერი: რუსის პოლიცია და სოფლის ქამიები.



1906-7 წლებში, დიდი რეაქციის დროს, დამსჯელმა რაზმმა ზარბაზნებით დაიწყო ქვეყნის სახლ-კარი, თითონ თედო კი შეიპყრო და წამების შემდეგ, გააციმბირა.

ჩრთილოეთიდან დაბრუნებისას თედო გულგაუტეხლად შეუდგა მუშაობას და რამდენიმე წლის ტანჯვა-ვაება-წვალების შემდეგ ისევ ააგო სახლი, მოაკეთა მამული, გაიჩინა ფუტკარი, გააშენა ხეხილის ბაღი...

ქართველ მკითხველსა და ქართველთა ცხოვრების მკვლევარს, ალბად, კარგად მოეხსენება, რომ ასე წლის მოწობამ, რუსეთის ცარიზმის დროის უკუღმართად აგებულმა სკოლამა და ეკლესიამ, სასამართლომა და ყაზარმამ, დევნამ ყოველივე ქართველურისამ ბევრი ქართველი გადაადგო თავნკარი ქკუიდან. გარდა ამისა, ვოსტორგოვების და მისი მიძყოლების ვერაგმა პოლიტიკამ და სიძულვილმა საქართველოსადმი, აამღვრია საქართველოში, —ნამეტნავად ამერეთში, —ძველთაგანვე შემოხიზნულ ხალხთა ახალგაზრდობის გულ გონება და დღეს ქართლის ის სოფლები, სადაც სცხოვრობენ ოსები თუ სომხები, საუბედუროდ ჩვენდა, თითქმის ორ მოპირდაპირე ბანაკა გაყოფილან.

თედო რაზიკაშვილი სასტიკი და უღმობელი მამხილებელი იყო ყოველივე უსამართლობისა სოფლად, მოურიდებელი მდევნელი იყო იმ ნაძირალებისა, თუ ცხვრის ტყავში გახვეულ მგლებსა, —სულ ერთია შინაურებისა თუ გარეულებისა, —რომელნიც ასე უდიერად ატყუებენ და სჩაგრავენ ჩვენს გლეხკაცობას.

აი, ასეთმა მგელ-კაცებმა თუ ნაძირალებმა მოჰკლეს თედო რაზიკაშვილი და მოჰკლეს იმიტომ, რომ შურდათ მისი სიკეთე, თვალში ეკლად ეჩხირებოდათ მისი ქომაგობა ბეჩავ გლეხკაცობისადმი.

ამ უკანასკნელ დროს რამდენჯერმე დაჰპარეს თედოს წვრილ-ფეხობა, სკები, დაუწვეს თივა, ემუქრებოდნენ სიკვდილით...

თედომ დაიჭირა თავისი ქურდები და გადასცა სოფლის ხელისუფლებს, მოსაკლავად დამხდამებს კი ჯოხით ზურგი აუჭრელა: ვაჟაკი იყო თედო, მკლავ მაგარი, ღონიერა, გულადი, ვაგლახათ ვერავენ რას დააკლებდა, მაგრამ...

დრო შეუჩიეს...

19 იანვარს თედო სტუმრად იყო მეზობლისას. ნასადილევს, შინ რო ბრუნდებოდა, სოფლის სამმართველოს კარებთან ერთმა მისგან მხილებელთაგანმა ჩხუბი აუტეხა და მეორე მიიშველია. თოფიც კი ესროლეს მოსაკლავად, მაგრამ ააცდინეს. მაშინ თედომ იძრო რევოლვერი, ერთი მძიმედ დასჭრა და მეორე კი იქვე დააწვინა უსულოდ.

არ გასულა ორი-სამი საათი, რომ თედოს მიერ მოკლულისა და დაჭრილის ნათესავები მიიჭრნენ თედოსას, გაბაწრეს იგი, შეათრიეს ერთს ბოსელში და იქ დახანჯლეს (გვამს აღმოაჩნდა სამოცზე მეტი ჭრილობა).

ყველაფერი ეს გამოიძია ცენტრალურ მთავრობის მიერ საგანგებოდ დანიშნულმა კომისიამ და ჯერ-ჯერობით ოთხი კაცი დაატუსაღა, ოთხივე ადგილობრივი სომხები.

ასე უბედურად დაუბნელეს მზე იმას, ვინც მთელი სიცოცხლის განმავლობაში შესტრფოდა ხალხის ბედნიერებას, ვინც დაუღალავად ამეტყველებდა ენას და აკვენესებდა ჩანგს ხალხის გამოსაფხიზლებლად, ვინც თავისი გრძნობა და ფიქრი შესწირა მაშვრალთა და ტვირთ მძიმეთა გაადამიანებას.

არ დაუფასდა თედოს ამაგი სიცოცხლეში, სამაგიეროდ მას ახლა გლოვობს ყველა ქართველი. ღირსეული პატივი სცა მას სრულიად საქართველოს მწერალთა კავშირის საბჭომაც: დროისა და გარემოების შესაკერი დიდებით გადმოასცენა თედოს ცხედარი დედა ქალაქში და მწერალთა პანთეონში, თავის სახელოვან ძმის ვაჟას გვერდით, მიაბარა სამშობლო მიწას.

ვანისვენე, ძმომ თედო, სამარადისოდ... მოვა დრო და ქართველი ერი —შენი მადლიერი ქართველი ერი—უფრო განადიდებს შენს სახელს.

მიმდინარე წლის თებერვლის სამს პარტახტიანი ტიფით გარდაიცვალა მწერალი და საზოგადო მოღვაწე ლეო იაზონის ძე ნათაძე.

სწორედ იმ დღეებში იგი ხელოვნების სასახლეში აპირებდა საჯარო მოხსენების წაკითხვას შემდეგ თემაზე: „რითმის პრობლემა ქართულ პოეზიაში“. განცხადებები უკვე დაბეჭდილი იყო და საზოგადოება ელოდა მის სიტყვას, მაგრამ განსვენებულმა ეს სიტყვა თან ჩაიტანა ცივ სამარეში.

ლეოს სიკვდილმა მწუხარების ბურუსში გაახვია ყველა, ვინც-კი მის მოღვაწეობას იცნობდა. იცნობდა-კი ბევრი, ძალიან ბევრი, თუ პირადათ არა, ვაგონილი მაინც ჰქონდა ხალხისათვის თავგანწირული მებრძოლის სახელი. ლეო ნათაძეს იცნობენ როგორც მწერალს, ავტორს კრიტიკულ წერილებისას, იცნობენ, როგორც საქართველოს დამფუძნებელ კრების თვალსაჩინო წევრს, იცნობენ მას საზოგადო მოღვაწეობის ყოველ დარგის ასპარეზზე. ლეოს ასე უდროოდ სიკვდილი დიდი დანაკლისია ქართველობისთვის. ვინ იცის, რაოდენი ბრწყინვალე ფიქრი, რაოდენი პერსპექტივა მოჰყვებოდა ასე შეუბრალებლად, ასე უდროოდ და დაუნდობლად სიკვდილის საზიზღარმა ცელმა...

## დ. ქასრაძე

### „ვინ არის დამნაშავე?“

ნინო ნაკაშიძის პიესა „ვინ არის დამნაშავე“ არ ყოფილა ჩვენი თეატრის რეპერტუარის მუდმივ სტუქმრად, თუმცა კარგი ათეული წელია, რაც დაწერილა და დაბეჭდილა კიდევ. ეს მაუწყებელია მხოლოდ იმისი, თუ როგორ ნაკლებად ვაფასებთ ჩვენს ეროვნულ შემოქმედებას, როგორ უბრალოდ ვკმაყოფილდებით ხშირად უცხოელ მწერალთა დრამოქმული პიესებით. ტირილი კი ვიცით, რომ „ახალი არა იწერება რაო.“ ნინო ნაკაშიძის პიესა კი ღირდა ემაღ, რომ რამის სინათლის ღირსი ყოფილიყო ყოველ წლიურად.

ვერ ვიტყვი, რომ პიესა ნ. ნაკაშიძისა სავსებით აკმაყოფილებდეს თანამედროვე თეატრის მოთხოვნილებას, მაგრამ მასშია ბევრი რამ ინტიმიური, დრამატიზმით სავსე სცენები, ვნებათა განცდანი, რომელნიც პირდაპირ ყოველდღიურ ჩვენი ცხოვრებიდან ამოუგლეჯია ავტორს.

მიუხედავად გურიის ცხოვრებიდან ჰამოკრეფილ ქახუხა ფერადებისა, ადგილობრივი ცხოვრების გამუქებული კოლორიტისა, თვით ადგილობრივობის ილლიუზიებისა, ამ ნაწარმოებში ჩაქსოვილია საკაცობრიო აზრებიც, რაიც უფრო მეტად აღრმავენს და აფართოვენს თვითონ პიესის მნიშვნელობას. თითქმის ყველა ტიპი დასრულებულია. განსაკუთრებით ზედმიწევნითია აზნაური ყარამან გერგილაძე და სალიხე. მიუხედავად იმისა, რომ პიესა ნატურალურია, მასში ხელოვნურად ობობას ქსელსა ჰსქოვს ბედისწერა. ეს განყენებული ცნება, რომელსაც მხოლოდ ისტორიულს ან და ლეგენდარულ შორეულ გმირებს თანა აღევნებდნენ ხოლმე სოფოკლეს—ევრიპიდეს თუ შექსპირ—კორნელ—რასინების სენია ავტორმა რელიეფურად ამოჰკვეთა ბედისწერის შემადრწუნებელ პერსონაჟად, რომელიც მაშინაც კი ზარსა გცემთ, როცა სდუმს. ამ მხრივ ეს ოჯახური დრამა მალღდება ჩვენს ევალში, ივისი სერიოზული განზრახვებით, აზრთა ჩაქსოვით, მოქმედ პირთა სულიერ ძალღონის აჭიმვით და დრამატიულ კოლიზიის გარდატეხით, რასაც მივყევართ მეტისმეტად სამწუხარო, მაგრამ საბედისწერო აუცილებლობამდის.

რა თქმა უნდა, პიესას ახლავს დეფექტები, მაგრამ ყველა ეს მეორე ხარისხოვანია. მაგალითად, ავტორმა გაგვინახვგრა არსენასი და ფატის დამოკიდებლება. ჯერ კიდევ სიკო არ



იყო წასული ამერიკაში, რომ ფატი მოსვენებას არ აძლევდა არსენა. შემდეგ ფარულ გრძნობით შესცივინათელებდა და თუ „იყავ ნება შენი“ დაგვიანდა იმიტომ, რომ ცოლქმრობის მორალი აკავებდა. ამ ფარულ გრძნობას ხომ ნილაბი უმაღლესად ჩამოეცალა, როცა სატრფიალო საგანს ხიფათი მოელოდა. აქ ფატი აღმაღლდა და კოცნით დაადასტურა ბუნების გვირგვინოსნობა. და მართლაც, ცოლ-ქმრული სიყვარული ხომ მაღალი გრძნობაა და პატივსადებიც. მაგრამ ლიტერატურაში—როგორც ცხოვრებაში, მას ისეთი გამოძახილი არ მოუპოვებია, როგორც მეორე ჯურის ვნებას, როცა სიყვარული თავისუფალია და კანონმდებლად ერთად ერთი ბუნება მღვდელმსახურებს. დადგმის მხრივ რეჟისორს წუწუნავას საბაბი მისცემია ერთხელ კიდევ თავი ესახელებინა თვისი ულტრა რეალისტობით. განსაკუთრებით მას ბადალი არავინა ჰყავს მასსიურ სცენების დადგმაში.

აღმასრულებლებში ფატის როლს ასახიერებდა ვერიკო ანჯაფარიძე. იქნება ნამდვილად ითქვას, რომ ანჯაფარიძე ამ როლებისთვის არაა დაბადებული. ქართულ სცენას მან აჩუქა უბიწო იაუმას ბრინჯაოს მედალიონი და მით საძირკველი ჩაუყარა ჩვენს თეატრის იმ მომავალს, როცა ჩვენ გაზრდილნი, თამამად შევძლებთ მეტერლინკის პიესების გამზეფურებასაც ანჯაფარიძე იაუმამ უნდა გვაჩვენოს და-ბეატრისა, სელიზეტი და საზოგადოდ ყველა ისეთი პერსონალები, რომელნიც მთვარის სხივებით სინაზისა და გრაციის ქსოვილს წარმოადგენენ ფატისთვის კი ჩვენ გვყვანან სხვა მსახიობნი. ნაზსა და ეთეროვანს ტლანქი რეალობა კი არა, არამედ ნოვალისის ცისფერ ყვავილის სურნელთა ფრქვევა შევჭერის...

საღიხე—წუწუნავას ასული პირდაპირი პოვნაა, შეძენა ჩვენი თეატრისთვის სასურველ ძალისა. გურული დედის ტიპი სრულმომხაზულობით ისე დაამთავრა, რომ გადაჭარბება არასფერში არ დასტყობია.

ასეთივე სრული და ზედმიწევნით ჩამოქანდაკებულ იქმნა აზნაური ყარამან გერგილაძე ჟორჯოლიანის მიერ. არ ვიცი, კიდევ შეიძლება მაზე უკეთესი სახიობა, რომ მიეცათ გაქსულებული აზნაურიშვილის ასეთი საუცხოო პორტრეტი? განსაკუთრებით შედეგად უნდა ჩაითვალოს სურათი ხელშეკრულობაზე ხელის მოწერისა, აქ ჟორჯოლიანი პირდაპირ ფენომენად იქცა. სიკოს როლს ვასაძე ასრულებდა მისი მდიდრული და დრამატული ხმა სასურველ მომავალს უქადის მსახიობს. მართალია, როლი მას საკმაო ასპარეზს არ აძლევდა ნიქის ფრთის გასაშლელად, მაგრამ რაც იყო, ყოველისფერი მგზნებარე ჩარჩოში ამოჰკვეთა.

კორიშელის სეხნია უფრო საუცხოო ხორცშესხმულობა იქნებოდა ბედისწერისა, რომ მისი ბაბუა უძრავობას აღმატებოდა მისტიურ სამოსელით შესული ხმის ამოღებით.

არსენა ავტორის მიერ ფრთა შეკვეცილია და ლორთქიფანიძესაც არ ჰქონია დიდი გასაქანი, რომ ნიქის უტყუარობაში დავერწმუნებინეთ.

პიესას წვრილმანი პერსონაჟებიც ახლავან. საზოგადო ფონზე მათი გამოჩენა სასურველ მთლიანობას აღწევდა, რაიც ერთხელ კიდევ რეჟისორის ნიქს ზედმეტ პლიუსად უნდა ჩაეთვალოს...

„ხომალდი“, ყოველთვიური  
სახელოვნო-სალიტერატურო  
ჟურნალი. № 2. იანვარი 1922

„ქეშმარიტი რეალიზმი“ ესაა საფუძველი, რომელზედაც „ხომალდის“ გარშემო თავმოყრილ მწერლებს სურთ ააგონ ახალი ლიტერატურული შენობა. ჩვენ არ შეგვიძლიან, არ მივესალმოთ ასეთ დასაწყისს. ჩვენ ხაზს ვუსვამთ იმ გარემოებას, რომ მხოლოდ ამნაირი დიფერენციაციით არის შესაძლებელი ჩვენი პოეზიის საბოლოო გამარჯვება.

საჭიროა სასტიკი თვალყურის დევნება, რათა ქეშმარიტი რეალიზმი არ დაეშვას უბრალო ტლანქ რეალიზმამდე. მაგრამ სრულიადაც საჭირო არ არის ქეშმარიტი რეალიზმის დასასაბუთებლად ნიცმესა და ანდრეი ბელის ციტოტების მიშველება, არ არის აგრეთვე საჭირო მაინცა და მაინც „ქვეყნის ოპტიმისტურად შეცნობა“, არც „დინამიური აქტუალობა“, არც ასეთი აბსურდის თქმა: „ჩვენ შემოქმედებაში პსიქიურ ძალთა კონფლიქტი არ გადადის მისტრიციზმის პასიურ ქვჩეტის ბურუსში, არამედ პოულობს ჰარმონიულ სინტეზს დაგუბებულ ენერჯიის გაშლაში,“ ერთის სიტყვით, „ხომალდისთვის“ უკეთესია უფრო გასაგები ენით ილაპარაკოს, უფრო ნათელი იდეოლოგია იქონიოს, და ერთი წამითაც არ უნდა დაივიწყოს მეორე მხარე: შესაძლებლობა მრავალგვარ ავანტიურისა. ხდება ხანდახან, რომ ლიტერატურულ მიმართულებების ახსნაშიაც საჭიროა დიპლომატიური ხრიკების გამოყენება: იხრებიან აქეთ, იხრებიან იქით, და ბოლოს არა რჩება-რა.

ჟურნალის ამ ნომერში მოთავსებულია ხარიტონ ვარდოშვილის ოთხი შედეგრი „ლოცვა უბედურთათვის“, „ღმერთო ხსენებაზე“ „შეშლილი წელი“ „ღამე—მაღალი კუბო“. ხარიტონ ვარდოშვილი წარმომადგენელია საქართველოში იმ პლეადის, რომელთა გრძნობიერი მოტივი არის „ცხოვრების ღამითი მხარე“. (Ночная сторона жизни). ასეთი იყო ედგარპო თავისი „ყორანი“-თ. ყველაზე მეტ ყურადღებას იქცევს მისი ლექსი „ლოცვა უბედურთათვის“. სამწუხაროდ, ადგილი ნებას არ გვაძლევს აქვე მოვიყვანოთ ეს ლექსი. იგი დაწერილია 1920 წელს და არის პოეტის ერთი საუკეთესო ლექსთაგანი. გზა ხარიტონ ვარდოშვილისა არის სწორი გზა.

ლეო ქიაჩელის „სამკაულები“ დაწერილია მეტად ოსტატურად და ლეო ქიაჩელის დამახასიათებელი სტილით. „სამკაულები“ მართლაც საუკეთესო სამკაულია „ხომალდისა“. ამ ნაწარმოებით ავტორს შეუძლია იამაყოს, რადგან იგი დაამშვენებდა ქართულზე უფრო მდიდარ ლიტერატურასაც კი. მას მოაწერდა ხელს ყველა დიდი მწერალი სრულიად თამამად.

„სამკაულების“, კითხვის დროს ვაგონდება პოეტი, მარად მეოცნებე უმშვენიერეს ქალზე ისეთზე, როგორც წარმოდგენილი ჰყავს მას. მას მაჩად ესიზმრება ლაურა, ბეატრიჩე, მერი. მისი დულცინეა მუდამ განირჩევა სიშორით, მიუწდომელობით, და პოეტი მუდამ დამარცხებულია, როგორც კი სინამდვილე უახლოვდება მას. უკანასკნელ სურათში პოეტი ურიგდება იმ სულიკოს, იმნაირ სულიკოს, როგორც ცხოვრებამ მას მოუვლინა. „მშვენიერების სამკაულია უმანკოება, ამბობს ქალი; ხოლო ათას უმანკოებისა და ათიათას ქალწულობის ყვავილის თუ გინდა საუკუნინა ცხადება ვერ შეედრება ნამდვილი ტანჯვის წამიერ გაეღვებასაც კი. დიად, გულმკერდს მიმკობს არა როგორც ოდესღაც, კოკორი ვარდის არამედ, ხედავ, სისხლიანი ნაფხური ქუჩის ტლანქი ფეხისა... მაგრამ ჩემში ცეცხლი ანთია, პოეტო“. და პოეტს ესმის ხმა, რომელიც აქამდე არ სმენია, და დაიღია განცდის შეგრძნობით, დაეშვება მუხლზე ქალის წინ.

ეს პიესა უსათუოდ უნდა წაიკითხონ ქართველმა რეჟისორებმა. მისი დადგმა მეტად დიდი



ეფექტებით შეიძლება. და უსათუოდ კვალწაუშლელ შთაბეჭდილებას მოახდენს ეს შეიძლება იქცეს უძვირფასეს განძად ჩვენი თეატრის ახალ რეპერტუარში.

„ხომალდის“ ამ ნომერში მოთავსებულია ობოლი მუშის ექვსი ლექსი ერთი სათაურით: „მთებში“. პოეტი, შეგნებით რევოლიუციონერი, არა მარტო ლექსებში ახსენებს სისხლის ფერ ღროშებს, მედგარ ბრძოლას, წითელ ტალღებს. ყოველივე ეს მან განიცადა პირად ცხოვრებაში. იგი აქტიურ მონაწილეობას იღებდა რევოლიუციონურ მოძრაობაში, თავისი უკეთესი, იხალგაზრდა დღეები მეტეხში გაატარა. მთელი წლობით ციხეებში ყოფნამ წაუშლელი კვალი დასტოვა მის პოეტურ სულში.

„სისხლიან ტალღებში, სისხლისფერ ალამით  
იბრძოდა განწირვით მამაცი მხედარი“.  
ეს თავგანწირული მხედარი მას არადროს არ ავიწყდება.  
ოჰ, მთებო თქვენ იცით ამ გზების სიშორე,  
სად ბწყინავს უკვდავი სულის მზე ნეტარი.

რომ გაჰრეს ცხედართა სიშორე,  
და აღსდგეს კვლავ ჩემი მხედარი!  
არის მომენტები ღრმა მწუხარების...  
მაგრამ პოეტი უფროხილდება თავის რწმენას, ეშინია არ დაკარგოს იგი.  
„რწმენაშია სული აშუქოს, მეტი არა მინდა-რა.“

ობოლი მუშა „ხომალდის“ უპირველესი თანამშრომელთაგანია, უიმისოდ წარმოუდგენელია ეურნალი.

დემნა შენგელაიას „შემოდგომის ბინდები“ ცხადი მაჩვენებელია ავტორის უფაქიზესი სულისა. დემნა შენგელაია პოეტია ნუანსების. შემოდგომის მეღანხოლია გადმოცემული აქვს ნელი ზაზები. ნადვლიანი, ცისფერი პავილიონი, ტყეში შუშის პობა, იქვე ნახევრად დახეული და დამპალი ბონბონიერი და სხვ. დემნა შენგელაიასაგან ჩვენ ველოთ კიდევ უფრო უკეთეს ნაწარმოებს.

პოეტს იასამანს აწერილი აქვს ტფილისის საღამო:

და ზარებს რეკენ მწუხარზე შეეტევით,  
ქალაქს სავსებით მატვია ძალა,  
გამოეთხოვა სხივი მთაწმინდას,  
სერებით ბინდი გადმოიშალა,  
აენთო გმირთა ნაძალადევი,  
ჩაჰქრა მეტეხი—სთვლემს ნარიყალა

იასამანი საკმაოდ ცნობილი პოეტია, სამწუხაროდ ჯერ არ გამოსულა არც ერთი იმის წიგნი, რომლითაც კართო საზოგადოება გაეცნობოდა მას.

გიორგი ქუჩიშვილის ერთი ნოველა და ერთი ლექსი უთუოდ დაწერილია უკანასკნელ ხანში; საქართველოში არ მოიპოვება არც ერთი პოეტი, რომლის ტემპერამენტი უთანაბრდებოდეს ქუჩიშვილისას. აუდიტორია ტაშისცემით გრგვინავს, როცა სცენაზე ჩნდება გიორგი ქუჩიშვილი, მქუხარე მომწოდებელი მისი ხმა არაჩვეულებრივ სიმძლავრეს იჩენს:

ფრიალო კლდეთა მძლავრო არწივო,  
მევე არწივო, ფრიალო კლდეთა!

მის ბოქორიშვილის მინიატიურა „ბარათი“ მშვენიერი ენითაა დაწერილი. მის ბოქორიშვილი ავტორია მრავალ ნოველა-მოთხრობისა. მის კალამსავე ეკუთვნი უამავი ნათარგმნი მასალა უცხო ლიტერატურიდან. გამოცემულია მისი მოთხრობების ტომი 1914 წ. ხოლო ამ ორი კვირის წინად გამოვიდა მისი მოზრდილი ნაწარმოები: „მეტეხი.“ ყოველივე ამითი ავტორმა მოიპოვა სახელი სერიოზული, დინჯი ბელეტრისტისა. ხომალდში მოთავსებული მინიატიურა ერთხელ კიდევ ამტკიცებს, თუ რა გრძნობით, რა იღუმალი გულისტკივილები სწერს ეს ავტორი თავის ნაწარმოებს: „სწერე სისხლით“—ამბობდა ნიცშე. საქართველოში სამოქალაქო მოტივების რევოლიუციონური პოეზიის დირიჟორს იროდიონ



ველოშვილის შემდეგ იყო და არის ვარლამ რუხაძე. ვარლამ რუხაძე დიდად პოპულიარულია ქვეყნის  
 ღმრთი, იგი ნამდვილი, ქეშმარიტი რეალიზმის წარმომადგენელია. უკანასკნელი განტოტუნი  
 სხვა მიმდინარეობათა გავლენასაც, იგი უმღერის მზეს, ცისკრის ვარსკვლავს და სხვ.  
 ვ. რუხაძის უკანასკნელი ლექსი „ხომალდში“ საყურადღებოა მის პოეზიაში.

**მიხეილ ბოჭორიშვილი. „მეტეხი“. ტფილისი 1922 წ.**

სუფთად, მშვენიერად გამოცემული ნაწარმოები მ. ბოჭორიშვილისა იწყება ასეთი შეწირვით:  
 „თქვენ, რომელნიც ყმაწვილურ გატაცებით დაიფერფლეთ წამების კოცონზე. თქვენ, რომელნიც  
 წმინდა ხსოვნა არ ამეტყველდა უკვლავ ლეგენდებში... მიიძღვენით ეს სტრიქონები.“  
 დარწმუნებული ვართ, დიდის სიამოვნებით წაიკითხავენ ყველა ისინი, რომელნიც მხედველობაში  
 ჰყავს მის. ბოჭორიშვილს, უკანასკნელს ნაწარმოებს ჩვენი ავტორისას.  
 წიგნი დაყოფილა. თავებად, და თვითეულ ნაწილს ამშვენებს შესაფერისი ციტოტები უკვლავ  
 ავტორების: აქ არის გოეტე, ნიცშე, სიტყვები აპოკალიპსიდან და სხვ.  
 „მეტეხი“ მის. ბოჭორიშვილის სისხლით დაწერილი ამბავია. იგი საუკეთესო წიგნია ამ  
 ავტორისა წიგნი შეიცავს 64 გვერდს და ღირს მხოლოდ 30.000 მანეთი.  
 წიგნს ამშვენებს უცნობი მხატვრის საუცხოოდ შესრულებული ყდა მეტეხის-სილუეტით.

**ხელოვნების მატიანე**

**საქართველო**

**ზაქარია ჭიჭინაძის იუბილე.** მოხდა ქართულ კულტურულ დაწესებულებათა შათბირი, რომელზედაც  
 გადაწყდა იუბილეს გაიმართოს სახელმწიფო ოპერის თეატრში 23 აპრილს. იუბილეს  
 ფართო ხასიათი მიეკემა. მწერალთა კავშირის კომისია, რომელშიაც მიწვეულ იქმნენ  
 აგრეთვე მსკოვანი მსახიობი და დრამატურგი ვალერიან გუნია, შალვა დადიანი, იუზა  
 ზარდალიშვილი და სხვანი, ამ ჟამად დიდ მუშაობასა და მზადებაშია. იუბილეს შესახებ  
 ერთი მოწოდება უკვე გამოიცა, მეორე ამ დღეებში გამოვა დაბა-ქალაქებში გასავრცელებლად.  
 გადაწყვეტილია აგრეთვე იუბილესთვის გამოიცეს ზაქარია ჭიჭინაძის ვრცელი ბიოგრაფია.  
 მხატვარმა მოსე თოიძემ უკვე დაამზადა დიდი პორტრეტი ზაქარია ჭიჭინაძისა ფერადი  
 საღებავებით.

**ზაქარია ჭიჭინაძის დაუბეჭდავი წიგნები.** ზ. ჭიჭინაძეს გამოსაცემად დამზადებული აქვს  
 50 წიგნამდე, სადაც მრავალი ისტორიული მასალაა მოქცეული. არც ერთი წიგნი დღემდე  
 არ დაბეჭდილა.

**გრიგოლ ჩარკვიანი.** ტფილისში გარდაიცვალა მწიგნობარი და მოღვაწე გრიგოლ ჩარკვიანი.  
 განსვენებულის მოღვაწეობა მეცხრამეტე საუკუნის უკანასკნელ მეოთხედს ეკუთვნის. ზაქარია  
 ჭიჭინაძესავით გრ. ჩარკვიანიც ქართული წიგნის საქმეს ემსახურებოდა მაშინ, როცა  
 ჩვენში წიგნი ასე იშვიათი და სანთლით საძებარი იყო. განსვენებულს პატარა სტამბა  
 ჰქონდა, სადაც წიგნაკებს ბეჭდავდა და ხალხში ავრცელებდა. მის კალენდრებს მთელი საქართველო  
 იცნობდა. განსვენებულის დაკრძალვას დაესწრნენ მწერალთა კავშირის წარმომადგენელი.

**გიონ საგანელი.** სიცოცხლეს გამოესალმა ახალგაზრდა პოეტი გიონ საგანელი. განსვენებულმა  
 საწამლავი დალია. ნაცნობ-მეგობრებმა გაიგეს მაშინ, როცა უკვე გვიან იყო. ცხედარი  
 ვერის სასაფლაოზე დაკრძალეს.

**ნიკოლოზ ბარათაშვილის წიგნი.** ს. ფირცხალავას რედაქციით გამრვიდა ჩვენი უკვდავი პოეტის  
 ნიკ. ბარათაშვილის წიგნი. შინაარსის მხრით ეს წიგნი იშვიათი გამოცემაა. თვით  
 პოეტის ნაწარმოებისა და წერილების გარდა, წიგნში მოთავსებულია მრავალი საყურადღებო



ბო წერილი და მასალა. წიგნი სავსე ძველი და ახალი სურათებით. სამწუხაროდ, გერმანობით წიგნი არ არის ისე ღირსეულად და სარგად გამოცემული, როგორც ეს უნდა იყოს იყო განსაზღვრული. ბიბლიოგრაფიას შემდეგ მოვათავსებთ.

**ვასილ ბარნავის ახალი წიგნი.** გამოვიდა ვასილ ბარნავის ახალი წიგნი— „მუშა“, მოთხრობა. წიგნი დაბეჭდილია სახელმწიფო გამომცემლობის მიერ და შეიცავს 30 გვერდს.

**პოეტის ალ. შანშიაშვილის წიგნები.** სახელმწიფო გამომცემლობამ იკისრა პოეტის ალ. შანშიაშვილის თხუზულებათა ორი ტომის გამოცემა. პოეტმა, რომელიც ამისთვის ეხლახან გამოვიდა ტფილისში, უკვე გადასცა სახელმწიფო გამომცემლობას მთელი მასალა ამ ორი ტომისთვის. მრავალი ნაწარმოები პოეტისა დღემდე ჟურნალ-გაზეთებშია გაფანტული და ეს პირველი ცალკე გამოცემა იქნება მისი თხუზულებებისა. ეს მხოლოდ ნაწილია იმისა, რაც ახალგაზრდა პოეტს დაუწერია. მარტო მისი ორიგინალი ნაწარმოები შეიდი-რვა ტომი გამოვა. ამას გარდა მრავალი ევროპიელ კლასიკოსის ნაწარმოები აქვს გადმოთარგმნილი: გოეთეს „ფაუსტი“, პირველი ნაწილი, შილლერის „დონ-კარლოსი“ (ორივე გერმანულიდან), როსტანის „შორეული დედოფალი“, რამდენიმე თავი დანტეს „ღვთაებრივ კომედიისა“ და ბაირონის „დონ ჟუანისა“, და „ჩაილდ ჰაროლდისა“ და მრავალი სხვა.

**შიო არაგვისპირელის წიგნი.** შიო არაგვისპირელმა გამოსაცემად დაამზადა მოთხრობების მეხუთე წიგნი. წიგნს გამოსცემს სრულიად საქართველოს მწერალთა კავშირი.

**პოეტის გალაქტიონ ტაბიძის მესამე ტომი.** დამზადებულია გამოსაცემად აგრეთვე გალაქტიონ ტაბიძის ლექსთა მესამე წიგნი მის ბექდვასა ახლო მომავალში შეუდგებიან.

**ლეო ქიაჩელის მოთხრობები.** განზრახულია ბელეტრისტის ლეო ქიაჩელის მოთხრობების ცალკე წიგნებად გამოცემა. გამოვა სამი წიგნი. მასალა მზად არის და მალე ბექდვაც დაიწყება.

**ია ეკლადის პიესა.** ია ეკლადეს განზრახვა აქვს გამოსცეს ცალკე წიგნად პიესა „ოცდაერთი ჯვრით“. პიესა რამდენჯერმე დაიდგა ქართულ სცენაზე.

**მ. ბოჭორიშვილის წიგნი.** გამოვიდა ცალკე წიგნად მიხეილ ბოჭორიშვილის მოთხრობა „მეტეხი“.

**ტერენტი გრანელის წიგნი.** გამოვიდა პოეტი ტერენტი გრანელის ლექსების კრებული: „სულიდან საფლავები“. წიგნი 36 გვერდიანია.

**ხელოვნების მოღვაწეთა კომიტეტის ბიბლიოთეკა.** ხსენებული კომიტეტი შეუდგა ბიბლიოთეკის მოწყობას ხელოვანთა სასახლეში. სახალხო განათლების კომისარიატმა ნება დართო კომიტეტს დაათვალიეროს ტფილისში არსებული ბიბლიოთეკები და წიგნთსაცავები და „ხელოვანთა სასახლე“-ში თავი მოუყაროს საუკეთესო წიგნებს მხატვრულ ლიტერატურის დარგიდან სხვა და სხვა ენაზე.

**ფიროსმანიშვილის სურათი.** ხელოვნების მოღვაწეთა კომიტეტმა შეიძინა „ხელოვანთ სასახლისათვის“ ფიროსმანიშვილის დიდი სურათი.

**ლიტერატურული ხუთშაბათები.** სრულიად საქართველოს მწერალთა კავშირი კვლავ განაგრძობს ლიტერატურულ ხუთშაბათების მართვას. ბოლო დროს შემდეგი ხუთშაბათები გამართა: მეცხრე—გრიშაშვილი: „ჰაზირა“, მცათე—რაქველიშვილი: „თეიმურაზ პირველი“, მეთერთმეტე—ლეო ქიაჩელი: „რომენ როლანი“, მეთორმეტე—ი. ვართაგავა: „გრიშაშვილი“. მეცამეტე—ალ. წერეთელი: „შანშიაშვილი. მეთოთხმეტე—ი. ნაკაშიძე: „რომენ როლანი“. მეხუთმეტე—კ. გამსახურდია: „შპენგლერი“.

**ბაჩანას საღამო.** განზრახულია ამ ახლო მომავალში ტფილისში გაიმართოს პოეტის ბაჩანას (ვაჟა-ფშაველას და თედო რაჭიკაშვილის ძმა) საღამო. მონაწილეობას მიიღებენ პოეტები, მსახიობნი და სხვანი.

**„სურამის ციხე“ კინოსთვის.** უკვე შეუდგნენ „სურამის ციხის“ დამზადებას სინემატოგრაფისტისთვის. ამ აზრით პერესტიანი თავისი დასით გაგზავნილია სურამში.



**განდევნილი.** მძიმე ავადმყოფობა გამოიარა პოეტი ქალმა განდევნილმა (დომინიკა ერისთავი) (მა). ამ ჟამად იგი კარგად არის.

**ივანე გომართელი.** მწერალი ივანე გომართელი ავად იყო ქაქების ანთებით. ეხლა იგი სრულიად განკურნებულია.

**ახალი წიგნი.** რედაქციამ მიიღო ახალი წიგნი გრიგოლ ზოდელისა: „დალურსმული ხელები“. წიგნი გამოცემულია კარგად და შეიცავს 16 გვერდს.

**უცხოეთი.**

**პოეტი ქალი—აკადემიის წევრი.**

ბელგიის ლიტერატურულმა აკადემიამ (ფრანგული ენისა და ლიტერატურის აკადემია) დიდის ზემოთ იდღესასწაულა პოეტი ქალის ნოაილის წევრად ჩარიცხვა. ეს პირველი მაგალითია ევროპაში. ფრანგული ჰრესა აღნიშნავს, რომ ბელგიის აკადემია უფრო ლიბერალური და სტუმართმოყვარე აღმოჩნდა, ვიდრე ცნობილი აკადემია საფრანგეთისა, რომელიც კარჩაკეტილია და ძველი წესებისა და ადათების დამცველი.

პირველი აკადემიკოსი მწერალი ქალი ქნი ნოაილ დაბადებულია და აღზრდილი საფრანგეთში. მამით რუმინელია, ხოლო დედით—ანდრე შენიეს მსგავსად—ბერძენი. იგი ეკუთვნის არისტოკრატიულ წრეს (La Comtesse d'Ithieu de Noailler). ამ გარემოებით არ აიხსნება, რომ მისი აკადემიაში მიღების დღესასწაულს დაესწრნენ ბელგიის მეფე და დედოფალი, აგრეთვე უცხოეთის წარმომადგენლები, პოლიტიკოსები, მეცნიერები,—ქნი ნოაილ ცნობილია ევროპაში როგორც ავტორი Forces éternelles-ის (მარადიული ძალები) და თანამედროვე ბელგიის პოეტებში პირველთაგანია.

რომანისტმა მორის ვილმოტმა, რომელსაც ჰქონდა აკადემიის მიერ დავალებული ახალი წევრის მიღება და სიტყვა, აღნიშნა ქნი ნოაილის პოეზიის მთავარი ღირსებები, რომლებიც გამოიხატებიან ქალურის და ვაჟურის სინტეზში, აგრეთვე აღმოსავლურისა და დასავლურის შეთავსებაში, ერთის მხრით, და ბერძნულისა და რომანულის სულის ათვისებაში—მეორეს მხრით.

**დავიწყებული პოეტი.** ჰენრი ჟირარმა სორბონში წარადგინა თვისი სადოქტორო შრომა პოეტის ემილ დეშამპის შესახებ, რომელიც მის დროს (1830 წ.) რომანტიზმის პიონერთაგანი ყოფილა საფრანგეთში, ხოლო მერე კი დავიწყებული. ჟირარის აზრით უსამართლო და შემცდარია აზრი, რომელიც ჟან-ჟაკ რუსსოში ხედავს მთავარს სათავეს რომანტიზმისას საფრანგეთში. თუმცა ჟირარი მეორე ხარისხიდან პოეტად სთვლის ემილ დეშამპს და სულაც არ აზიარებს მის მნიშვნელობას, მაგრამ ამ პოეტის შესწავლამ მას მისცამტკიცე საბუთები იმის დასამტკიცებლად, თუ რა გავლენა ჰქონდა უცხოეთის რომანტიულ ლიტერატურას ფრანგულისაზე და საზოგადოდ იმ დროის საფრანგეთის უცხოვრებასა და მორალზე.

ემილ დეშამპის პოეზიას იმდენი მნიშვნელობა არა ჰქონია, რამდენიც მის თარგმანებს, რომლებითაც ის პირველად აცნობდა საფრანგეთს უცხოეთის მწერლების საუკეთესო ნიმუშებს: შექსპირის (მაკბეტი, რომეო), შილდერის (Ba Cloche) გოეტეს (La Fiancée de corinthe) და სხ., ინგლისელ, გერმანელ, ესპანელ მწერლებისას. დეშამპს დაუწყია წერა იმპერიის დროს ტრუბადურული პოეზიის გავლენით. მერე ქნი სტალისა და შენიეს გავლენის სფეროში მოქცეულა. აქედან იწყება მისი დაახლოვება ფრანგულ რომანტიზმის სკოლის გამოჩენილ წარმომადგენლებთან. მე XIX საუკუნის სული მთელის არსებით ჰქონდა შესისხლხორცებული და ვოლტერისა და ე. ე. რუსის იდეებით გატაცებული, ის მუდამ ოცნებობდა პოეზიაზე და მის განახლებაზე. აღსანიშნავია მისი პიროვნების გავლენა ლეტერატურულ წრეებზე. დიდ ხანს იყო დე-ვინის მეგობარი. მერე



ვ. ჰიუგოსი. მას დიდად აფასებდნენ ლამარტინ, გოტიე, ბალზაკ, მიუსე, სენტიმონი და სხვ. რობდა 1871 წლამდე. უკანასკნელს წლებში დასწრულდა, დაბრმავდა. დარჩა მარტო: ძველი მეგობრებიდან, მისი დროის დიდი პოეტებიდან არავინ დარჩა ცოცხალი. ცხოვრების სიმწუხრეს უმსუბუქებდა მოხუც პოეტს ახალი თაობის პატივისცემა და სიყვარული, რომლითაც იგი დააჯილდოვეს: ლეკონტ დე-ლილმა, ბანვილმა, ბოდლერმა... მთელმა პარნასმა. თავანის მცემელთა რიცხვში იყვნენ აგრეთვე პ. ვერლენ და სტ. მალარმეც.

„ახალგაზრდა პოეტებს უყვარდათ იგი, — ამბობს გოტიე — და გარს ეხვეოდნენ, როგორც წიწილები დედას. დეშამპაკ იცოდა ახალგაზრდობის გამხნევება... მისი ექვების გაფანტვა.“  
ჭუისმანის ერთი პირველი რომანთაგანი — Mahtpe — მეორედ გამოიცა.

ვეგენი მონტფორტის ხელმძღვანელობით გამოიცა ფრანგული ლიტერატურის უკანასკნელი 25 წლის ისტორია (1895 — 1920 წ.)

რემი დე-გურმონის „რჩეული ფურცლები“ გამოიცა მარსელ კულონის რედაქტორობით.  
გადათარგმნა ფრანგულად დ. მერეჟკოვსკის ახალი რომანი „Le Mutle roi“.

ე. მარნოვი

„ხაზართა სასძლო“

(რომანი \*)

— აი, შვილო, დახედე ამ გამჭვირვალე მყინვარს. საშინელი შხამია ეს! რომ დაასველოს ენის წვერით და შეისუტოს ადამიანმა, მყის გააქრობს, წამს გაათავებს. შეუძლებელი შეიქმნება ხსნა. ასპიტის გესლზე უძნელესია.

— გამოუცდელ ქალს ამისთანა საშინელი თილისმა, დედოფალო?!

— ეს ჯაღო ჩვენს გვარში უმშვენიერესისადმი გადადის მემკვიდრეობით. იმედი მაქვს, არ დასჭირდება მისი გახსნა, როგორც არც სხვას დასჭირდა აქამდის, თუმცა ბედმა ძნელმა სიმწარე ბევრი განგვაცდევინა.

— თავის მოკვლა, დედოფალო, საშინელი ცოდვაა, უპატივებელი! — წარმოსთქვა კათალიკოსმა.

— ქეშმარიტს იტყვი, სჯულის დარაჯო! გარნა შეუნდობს ყოვლადსახიერი შემცოდეს, უკედურეს განსაცდელისაგან იძულებულს: შეგინებას, ზნეობრივ სიკვდილს ხორციელად სიკვდილი ემჯობინება, — მიუგო დედოფალმა.

და მიუბრუნდა ქალს:

— კვლავ გეტყვი, საყვარელო: ხელი უნდა ჰყო ბექედს უკიდურეს შემთხვევაში, როცა ყოველივე სხვა გზა სხნისა დახშული იქნება. ვსასოებ, არ გაგვწირავს ყოვლად მოწყალე და შენც ამგვარივე დარიგებით ოდესმე გადასცემ მაგ თილისმას სხვა მშვენიერსა, დამამშვენებელს ჩვენის გვარისა...

— შეასხენი თვალი! ისევ გაუკეთე! \*

ქალი დამორჩილდა.

— გქონდეს ეს ბექედი. ჯვართან ერთად ატარე გულზედ, წმინდა ნაწილთან. ხელზედ საფრთხილოა: ძვირფასი ნახჩისაა, ჯავარსრული ქვა უძევს პატიოსანი და ადვილად მიიზიდავს ავ თვალს, — ჯბრძანა ქალს

და მიჰმართა შეინახეთა:

— შუშანს ვაძლევ ამ ძვირფას სამკაულს საბედისწეროს, რადგან მზეთუნახავი რომ არის, ყველაზე მეტი საფრთხეც ამას მოეგლის.

\*) იხ. „ლომისი“ № 5.

კრემლი მოერია დედოფალს, ხმა აუთრთოლდა. შუშანმა კოცნით შეუშრო მას ღარდის ნამები.



დედოფალმა უძღვნა გახსნილ საუნჯიდან ყველა თვის ქალს შესაფერი სამკაული. სახსოვარი სხვა იქ დამსწრეებსაც, ყველას. გადასცა ზინეთი თვის ვაფებს იოანეს და ჯუანშერს. დალოცა გულამომჯდარმა შვილები და ისინიც, ვინც მათთან ერთად მიდიოდნენ დასავლეთისაკენ, ისინიც, რომელნიც რჩებოდნენ აქვე, აღმოსავლეთში.

— მე აქვე დავრჩები, ამ სავანეში, მამის წმიდა საფლავის მახლობლად: ჯერ მისი სული ისევ თავს დასტრიალებს აქაურობას, — სთხოვა დედას მირანდუხტმა.

— მაგრამ, ბატონიშვილო, წამებულის აჩრდილი ხომ თავს დასტრიალებს მთელ საქართველოს, — უთხრა ვეზირმა.

— და სამუდამოდ თავს შემოველება თვის წმიდა ქვეყანას ეამთა დასასრულამდე, — დასძინა პატრიარქმა.

ჯუანშერიც მალე უნდა გამგზავრებულიყო, დამკვიდრებულიყო ლაკვასტის ციხეში და იქიდან ეწარმოებინა ქვეყნის მართვა თუ ლაშქრის შეკრება.

— თვალხშიერად უნდა იყვეთ. გახსოვდეთ, ამ მთების იქითაც დაუძინებელი მტერი გყავს ეხლა, ოდესმე ჩვენგან უარყოფილი მოყვრობის მსურველი, — სთქვა ამირსპასალარმა დაბეჯითებით.

— სიფრთხილეს თავი არ ასტკივა, მაგრამ არა მგონია ხაზართა ხაქანი კიდევ უნიაწობდეს და მრისხანებდეს: ჩვენი მზეთა მზე უფლისწული. ხომ ჯერ არ უნახავს მას, რომ გამიჯნურებულიყოს, აუხსნელად დაბმულიყოს ამის ბაღეში, — დაამთავრა საუბარი სახლთხუცესმა.

და მამობრივი სიყვარულით გარდაჰხედა ამ სიტყვებზედ შეწითლებულს მშვენიერებას. ამ ბჭობისა და მსჯელობის დროს, როდესაც უდიდესი ყურადღება ჰქონდათ მიქცეული მძიმე სახელმწიფო საქმეებისადმი, დიდ მზრუნველობას იჩენდნენ ბატონიშვილ შუშანის შესახებაც, რადგან იგიც განძი იყო ფასდაუდებო, საუნჯე უძვირფასესი, აღბეჭდილი დიდის სურვილით უძლიერესის კეისრისა და მისი დაფარვა უფრო ძნელიც იყო, სანამ ყოველი სხვა საუნჯისა.

6.

ამაოდ ნუგეშობდნენ, ხაზართა ხაქანი გადაივიწყებდაო უძლიერეს მისწრაფებას თვისის გულისას, დაივიწყებდაო შუშან მშვენიერს. არც გაჰქარვებოდა კახანს იგი გულისთქმა, არც დასცხრი მოდა; აღტკინებულ ცეცხლად გარდაჰქმნოდა იგი მას, უნელებლად, რომელი ისე ძლიერდებოდა წინ დახვედრილ დაბრკოლებათაგან, ვით ნიაღვარი მის წინ აღმართულ საბრკობისაგან, სად აღქაფებული ზვირთები მოზღვავებულის ღვარისა დუღან ბოროტად, რომ საზარლად აქაჩრილნი ეკვეთონ დაბრკოლებას, წალექონ იგი, მოფხვრან საძირკვლიანად და წაესწრაფონ წინ. მძლავრად აბორგებდა კეისარს იგი ვნება, საშინლად აღელვება სურვილთა აღსრულებას ნაჩვევს და მმუსრავ ძალად ამოქმედებდა ბოროტად. თრთოდა მთელი მისი საბრძანებელი მის მრისხანების წინაშე, უნელებელ ბოღმისაგან ნაწვევ მრისხანებისა.

ხაზართა ხაქანის ტანჯვა დაიწყო კარდა ხნის წინად. ძლიერდებოდა იგი ტანჯვა თანდისთან და აწ აუტანელად შეიქმნა პირად მისთვის, უფრო მძიმედ მის გარემო მყოფ დიდებულებისთვის, მთელი მისი საბრძანებლისთვის. უზომოდ განდიდებული ყენისთვის ხაზარეთისა ერთერთ სავანს თვითმოყვარებისას შეადგენდა მის ცოლთა კრებული და მათი სავანე. ჰსურდა, მის მეუღლეთა სახე და მათი სასახლე სიმშვენიერით თუ სიდიდით საარაკო შექმნილიყო, იგავად დასადები მთელ ქვეყანაზედ.

— ზღაპრული ბაღ-პალატები სადგომად მნათობთა ჩემთა! მეუღლეთა სიმრავლე გარდარეული! სიმშვენიერე მათი გარდამეტებული! ხოლო მათ შორას უღარებელი ქალი შუშანი, ქართველთა გვარი... ეტყვის იგი ჩემს გარემო შემოკრებულ ასულთ მშვენიერთ ყველა ქვეყნისა: ეჰა, იხილეთ სიტურფე ჩემი, კეთილქმნილებო! მეფე თქვენი შეცურობილ არს

ჩემის მზევობით. დამეძებს იგი ბინდ სადამოს ვარსკვლავთა შორის ახლად ჩენილთა, ხოლო  
ჯანთიადს შუქთა შორის მლიმარე მზისა; ახალ გაზაფხულს ყვავილთ შორის სურნელთა,  
ხოლო მწიფობას ნაყოფთ შორის ტკბილგემოვანთა. დამეძებს მე თქვენი შეუფე! ნიავსა  
სთხოვს ასმინოს მას ჩემი ხმა ტკბილი. ნუ განრისხდებით, ლამაზო, ჩემზედ, ნუ აღბორ-  
გდებით შურისძიებით: თვითონ დამეძებს მე! მიყვარხართ მე თქვენ, დებად გიგულვით...  
— მსწრაფლ აღშენდეს იგი სასახლე არეს მშვენება! მყის დაივანოს ბროლის კოშკში  
მნათობმა ჩემმა!..

და ეს ციხე-დარბაზი სწრაფად შენდება ითილში, ხაკანის სატახტო ქალაქში. ბიზანტიის  
კეისარმა აახლა მას საუკეთესო ხუროთმოძღვრები და მათ ხელქვეით მუშაობდა აუარებელი  
რიცხვი-მონათა. იზნეოდა ურიცხვი ოქრო, ხალხის სიმდიდრე. დასრულდებოდა და შეიმ-  
კობოდა ციხე-დარბაზი. ხოლო ჯერ არ იყო მის ცოლთა შორის უბინდო იგი ვარსკვლავი  
უღარებელი. ჯერ არ აღმობრწყინებულიყო ხაზარეთის ცაზე ტაგრუცი იგი სრულის სიმშვე-  
ნიერისა, მცხინვარე ასული ნათელის სამხრეთისა. მალე იქნება! დაბრუნდებიან ჩემგან ელ-  
ჩებად გაგზავნილგბი, თან მოიყვანენ ჩემს ახალს სულსა, ჩემის არსების დამატკობელსა.  
— ღვთის შვილი ხარ, კაცთა შორის რჩეული და შეგშვენის ნეტარება უჩრდილო, საზღაპ-  
როდ შექმნა შენის დიდების.

— მაინც ჯერ არა ჰყვავის ჩემს საჯარდეში კოლხიდის ყვავილი უღარებელი.

— მალე მოაწევს შენს ქვეყანას იგი ქართველთა მეფის ასული, მძლეოთა მძლეველო?

— მალე?!

— სწრაფად! და თუ არა, ბრძანე, გადივლის მთებს შენი ლაშქარი უამრავი და მოგართ-  
მევს არჩილის ქალს შუშანს თუნდაც ოქროს გალიით...

— ძალით?! გგონია, ნებით არ შეახლება!

— თავის სურვილით მოგვევლინება იგი ასული დიდ დედოფლად. გაანათებს შენს გულს  
მზესავით.

— ოქროს გალიით?! ჰფიქრობ, ხადუმო, დამიწუნებს? აუ დავძაბუნდი ბუმბერაზთ შო-  
რის, ისე დავკინდი გმირად ნაქები, რომ შევიქმენი ქალთაგანაც კი დასაწუნი?! წარმოსთ-  
ქვა კეისარმა.

და მკაცრი რამ ბგერა ააჩნდა ხმაში. იცოდა საჭურისთ უხუცესმა, რა მედგარი რისხვა შეი-  
ძლებოდა მოჰყოლოდა ამ ატკრეცილ ხმას, მყისვე მის დამღუპველი აღტყინება საშინელის  
მბრძანებლისა, და მიწას განერთხა შეძრწუნებული.

— შენდობა, ღვთის შვილო! ვით გაჰბედავს ხორციელი შენს უარყოფას?! ვინ არ ეახლოს  
სიხარულით შენს ბრწყინვალეობას?! უალრესი ბედნიერებაა ასულთათვის მეფეთა სურვილი  
შენი.

და მოშინდა კახანი, მცირედ დაეშვა მისი აღბორგება; მთლად კი ვერ დაწყნარდა. ვერც  
დამშვიდდებოდა: მას დასკვნილი ჰქონდა ცოლად მოყვანება არჩილის ქალის შუშანისა,  
კაცებიც უკვე გაეგზავნა საქართველოში საიშვილთო მოსაკითხებით, შერჩეული ელჩები.  
წინადვე ზეიმობდა კახანი ბედნიერი. გადახალისებულიყო, გაჭაბუკებულიყო წელთა სიმრავ-  
ლით თითქმის დახრილი, ფრთები შესხმოდა მის ნიეთიერ არსებას უკვე შემძიმებულს, ოც-  
ნების ფრთები ზე აღმტაცველნი, მაგრამ.....

მაგრამ დაიგვიანა პასუხმა, ძლიერ დააყოვნა, აღარ ეღიროსათ ელჩებს დაბრუნება, აღარც  
ამბავი რამ აცნობეს მბრძანებელს. მარცხი თუ მოუვიდათ, ავი თუ წაეკიდათ რამ და იმან  
მოსჭრა მათ მუხლი, შეუმძიმა სული; იმიტომ ვერ თუ ბედავდნენ ამბის გამოგზავნასაც.  
გავრცელდა ხმა ხაზართა შორის, არ გაუმარჯვდათო ხაკანის კაცებს, უარი მიიღესო ქართ-  
ველთ მეფისაგან. თქმამ კახანის ყურამდისაც მიადწია. კაცების დაგვიანება თითქო ადასტუ-  
რებდა ამ მძიმე ამბავს მოულოდნელს. ეს იყო, რომ ექვევით ავსებდა ეხლა კახანის გუ-  
ლსა, ამის გამო დაჰკარგოდა მას მოსვენება. ამისთვის იყო, რომ ცეცხლი მოუღო მას  
ხადუმის სიტყვამ მოუწომელმა.



გამართლდა ხმები. თურმე სწორედ იქ მოელოდა მძლეთამძლეს დამარცხება, სადაც იგი არ მოელოდა, აზრათაც არ მოსდიოდა პირველში: ხელცარიელნი დაბრუნდნენ კახანსაგან საქართველოში წარგზავნილნი დიდებულები. არა, ხელცარიელები არ იყვნენ: დიდებუ-  
ლი ზღვენიც მოართვეს ელჩებმა კახანს ქართველთ მეფისაგან, არა ნაკლები იმ მოსაკითხი-  
სა, რაც გაეგზავნა თვით ხაზართ მეფეს, მაგრამ მეფისათვის კი მაინც მთლად ხელცარიე-  
ლები იყვნენ: ვერ მოიყვანეს ქალი შუშანი! სიტყვაც ვერ მოუტანეს რაიმე იმედის მფენი.  
უარ ეყო ქალს კახანის სურვილი მკაცრის უარით, დაეგმო იგი.

— სასტიკადაც დაგზარაბა ქალმა, მკაცრად მოგიხსენია, — მოახსენა ელჩების მეთაურმა.

— როგორ თუ მაგინა?! სთქვი ყოველივე!

— სულის საქმეს უნდა ემსახურებოდესო უკვე მიწისკენ მომზირალი; არა ვარდთა ქვრეტად  
თვალთ აშენებდესო, ებრძანებინა მზეთუნახავსა.

— მზეთუნახავს?!  
— საკვირველ ვარსკვლავს ძალზედ მიმზიდველს: ჩვენის თვალებით ვიხილეთ იგი მშვენიე-  
რება.

— თვალები უნდა დამეთხარა თქვენთვის, რომ ვერ შესძელით ჩემის ნების აღსრულება!  
აღარ შეიძლება: მაგ თვალებში ასახულია მისი ხატება.

— საპყრობილეში ყველა ესენი, ძნელ საბნელეთში! — ბძანა განრისხებულმა.

ქართველთა მეფის წერილებიც ადასტურებდა ამ უარს: ქალი ჯერ პატარა არისო, სჯულის  
შეცვლა არ შეიძლებისო, სამშობლოდან შორს ვერ გასძლებსო. ბევრი რამ მიზეზი იყო  
ჩამოთვლილი, მაგრამ წიგნის კილოს ეტყობოდა, უარი თვით ქალს გაებედნა, თითონ  
შუშანსა. ამას შემდეგ იყო, რომ იწყო ბრძღვინვა ხაზართ კეისარმა ვიწროებში შემწყვ-  
დეული ლომივით; საშინელმა მძვინვარებამ აიტაცა იგი. სისხლი სწყუროდა, სისხლის  
ღვარები.

ველარაფერი ეშველა მეფეთ მეფესა! აღარ მოეკიდა მას აღარც ღვინო, აღარც ვართობა.  
შეიძულა თავისი ცოცხალი სავარდე, მტრად მოეკიდა ცოლთა სიმრავლეს. ვერ გაიტაცა  
ვერც იმ ბრძოლის მძვინვარებამ, რომელსაც აწარმოებდნენ მაშინ ხაზარნი გურგანის ზღვის  
ნაპირებით ძღვეამოსილ არაბებთან, რომელნიც მიიწვედნენ წინ ჩრდილოეთისკენ. დღონ-  
და ხაზარეთი, დიდ საგონებელში ჩავარდა იგი. ერთსა ნატრობდა მეფე მარად ჟამს, მრის-  
ხანების დროსაც აღტყინებულისა, სასოწარკეთილების დროსაც მომძუნებელისა:

— ვნახო მისი სახე, თუნდ სიზმრად ვნახო!

როგორ აუსრულდებოდა მძლეთა მძლეს ეს ნატვრა, მისთვის ყოვლად შეუძლებელი?!

— ვერც როგორ! ვერც როდის!

7.

ქართველთ სოვდაგართა უხუცესი ჯორჯიკ ოდიშარი შემთხვევით მცხეთაში იყო აჩილის  
წამების დროს და დაესწრო წმინდანის დასაფლავებას, შემთხვევით, რადგან ეს სოვდაგა-  
რი უმეტეს ნაწილად გზაზედ იმყოფებოთა: საქართველოდან ხაზარეთში, სკვითელიდან ბიზან-  
ტიაში, სპარსეთიდან ბაღდადში; თურანსა და ინდოეთსაცა სწვდებოდა მისი ხელი. ყველა  
მხრის საქონელი ტრიალებდა მისის გამჭრიახი გონების უნართ საქართველოში, ყველა  
ხალხის ნაწარმოები. დასაფლავების დროს მოჰკრა მან თვალი აჩილის ოჯახობის ხატს  
დადკორის სიონში და უნებლიეთ შეაყენა თვალთა ისარი შუშანის სურათზე. როდესაც  
შემდეგში ხაზართა მეფის კარს მოჰყვა იგი და თავისი თვალითა ნახა, რა წამებას განიცდი-  
და იგი გვიან გამიჯნურებული კეისარი, როგორ ნატრობდა იგი მარად ჟამს, ნეტავ ერთ-  
ხელ მაინც დამანახვა სახე ქალთამზე შუშანისაო, დიდებული აზრი აესახა შორსმჭვრე-  
ტელს გონების სარკეში: განიზრახა დაეხატვინებინა ქალის სურათი და მიერთმია იგი მრავალ-  
ტანჯულ კეისრისათვის. იგი ხომ ხშირად დაიარებოდა საქართველოდან ხაზარეთში,  
საიდანაც გამოჰქონდა ძვირფასი ბეწვეულობა მთელ წინა აზიაში მოსაფენად.



— ბედნიერი აზრი! სოვდაშიაც ესე ვიცი: დაჯერავ თვალს საქონელს და უკვე ვეღარ მის ღირებულებას, ხვადიანსა თუ უშედეგო მის ბოლოს. ჩემი ეს განზრახვა შენს სხვაზემ ჩემთვის, რა დიდ შედეგიანი, ღმერთო ჩემო! და არა მხოლოდ ჩემთვის, ხაზონათათვისაც, ვგონებ ქართველთათვისაც: იქნებ დაწყნარდეს იგი ყვინი!

გამოიკითხა ვაქარმა, ვინ იყო იმ ხატის დამწერი ხელოვანი და მივიდა მასთან. მხატვარს კალაში ჰქონდა სახლი, ზედ მტკვრის პირას. მოკეცილი იჯდა. დაზვაზედ თუ დაბალ მაგიდაზედ გადაშლილ ნახატსა სინჯავდა ჩაკვირვებით.

— შენ ხარ გაიოზ ოსტატი?  
 — მე გახლავარ! რა გნებაგს?

— ჯორჯიკი ვარ ოდიშარი, სოვდაგართ უხუცესი. გაგეგონება ჩემი სახელი.  
 — დიდი ვაქარი ოდიშარი? ბედნიერი ვარ, რომ გხედავ ჩემს ჰერ ჰეშ. დაბრძანდით!

სოვდაგარი ჩამოჯდა ტახტზედ და თავის ჩვეულებისამებრ პირდაპირ მიჰმართა საგანს:  
 — გინდა იმდენი ოქრო, რომ შენი მადლიანი მარჯვენა შენვე დაიკოცნო?

— ოქრო ვის არ უნდა, შე დალოცვილო, და მეტადრე მე ეხლა.  
 — მისმინე! მე ვნახე შენგან დახატული სურათი არჩილ მეფის და მისი ოჯახისა ნადკორის სიონში. მშვენიერია! მომეც იმ სურათიდან მხოლოდ ერთი სახე, შუშანის ხატი, და მიიღე ჩემგან ოქრო, რამდენიც ღირდეს.

— ძნელი იქნება: აღარ ვადამაღებინებენ სურათს.  
 — რაც უფრო მძიმეა საქმე, იმდენი მეტს ოქროს იწონს.

დაფიქრდა ოსტატი. ბევრი ყოყმანისათვის აღარ ეცალა: ლითონის ბჭყვრიალმა შორიდანვე მოსტაცა თვალი. სდუმდა სოვდაგარი, დაკვირვებით დაჰმზეროდა მხატვარს.

— როდისთვისა გნებავთ სურათი?  
 — რისთვის გინდა ოქრო?

— კარგი! აგისრულებ, მაგრამ...  
 — რამდენს ითხოვ?

ხელოვანმა დაუსახელა თანხა. სოვდაგარს კიდევ ეცოტავა იგი, მაგრამ მაინც შეჩერდა რამდენსამე წუთს, თითქო ვარაუდობსო. შეისხნა ქისა, მიუთვალა.

— ეს საწინდარად. როცა შეასრულებ სამუშაოს და ჩამაბარებ, დანარჩენი მაშინ. მხოლოდ მე და შენ ვიცით ეს; სხვამ არავინ იცის, არც უნდა იცოდეს!

— კეთილი! რად გნებაგსთ ქალის სურათი?  
 — რად გინდა ოქრო?

ორივე კითხვა უპასუხოდ დარჩა. მაინც ვაქარი უფრო მოგებაში იყო. ოქრო ვის რად უნდოდა, ყველამ იცოდა; ქალის სურათი რად დასჭირებოდა სოვდაგარს, ეს ისევ საიდუმლოდ რჩებოდა.

უნაკლულოდ შეასრულა მხატვარმა დავალება, თანაც საიდუმლოდ: ვერც ქალმა, ვერც სასახლემ ვერ გაიგეს, რომ შუშანის სურათი ცალკე გადაიღო მხატვარმა. ხატის შექმნის დროს ოსტატმა ისარგებლა თავისაგანვე დახატულ სურათით, რომელიც გულდასმით გასინჯა მან ეკლესიაში; კიდევ იმითი, რომ მოახერხა თითონ ქალის ნახვა და ჩაკვირვებით დათვლიერება; უფრო კი თავის ძლიერი ამხატველობითი ნიჭით, რომელმაც ცოცხლად წარმოუდგინა მას ქალი გონების სარკეში. ახალ სურათს ბევრი ხანი არ მოუნდა გამოცდილი ხელოვანი.

საუცხოვო ხატი დადგა; გაცოცხლებულიყო ტილოზედ ქალი შუშანი. ახალი იერიც დასდებოდა მის მანგ სახეს: სევდის ფრთა შეჰხებოდა მის მტკიცე შუბლს და ჩაეფიქრებინა ქალი, დაღონებულ თვალთათვისა მეტყველება მიეცა ძლიერი, შორს გამყურავი, უსაზღვრო სივრცისკენ მძლედ მიქცეული, თანაც ამკრეფი აწმყოს დენისაც. დაუსრულებელ ჟამთა დენას თუ განიცდიდა იგი გრძნეული, დროთა სვლას აწინდელს თუ შორ მომავალსა.



— საკვირველია ხელოვნების საქმე! ლამისა ვსთქვა: ოსტატისაგან უნებლიეთი, შეუფერებელი  
ლი. მაშინ ძალიან გამიძნელდა იმ ხატის ასახვა: ვცდილობდი, ვესწრაფებოდი, მაგრამ  
ლაში ვერ მემორჩილებოდა. სწორედ ვერა ვხედავდი შუშანის სახეს მეტყველს; ეხლა კი  
ერთის დაკვრით ამოვხაზე ქალი და ყალამმა ჩემ უნებლიეთ მისცა მას იგი მეტყველება,  
რომელს მაშინ ისე ძლიერ ვეტანებოდი, ვერ-კი მომეხერხებინა მთლიანად გადმოტანა ფე-  
რადთა საშუალებით.

— რა მეტყველებას?

— უშრეტ რამ სევდის სახეა სულ ახალგაზრდა ბედნიერ ასულში მაშინ, მამის სიკვდილის  
წინად. ეხლა იგი ანარეკლი უძირო სევდისა ცხადად აჰსახია თვალებში და საკვირველი  
მჭვრეტელობით შეუმკია მთლად გამოუცდელი მშვენიერი, — ეტყოდა ოსტატი სოვდაგარს.  
დიდვაჭარი ჩაჰკვირებოდა სურათს, თვალს ველარ აშორებდა მას. ცხადად ედგა მას თვალთ  
წინ ბატონიშვილი შუშანი, მთლად გაცოცხლებული ქალწული მადლიანი ყალმის წვერით,  
საიდუმლო შევენების მსახი არსება, რომლის გიშრის ტბებად შეგუბებული თვალები მძლავ-  
რად მიმზიდველ საშიშრობას ეტყოდნენ თვის მჭვრეტელს ყველას. მოსწყვიტა თვალი სურ-  
ათს, დიდის სიფრთხილით შეახვია ფარჩაში და ისე სათუთად შეინახა, თითქო უკვდავების  
წამალი ჩაჰვარდნიაო ხელში.

— ფსდაუდებია ეს შენი ყალმის ნაწარმოები. საკმაო ოქრო მოგეცი, მაინც არაფერია იგი  
ამ განძის შედარებით. მე ვაჭარი ვარ და ჩემი საქმეა პირნათლად შევასრულო დაპირება.  
მეტს არც ერთს ქრთილს არ მოგკემ ეხლა. მაგრამ იცოდე: ეს სურათი გაგაბედნიერებს  
შენც, თუ მიაღწია თვის დანიშნულებას; თუ არა... ჩვენ ეხლა მაინც მთლად გასწორე-  
ბულნი ვართ.

— ოღონდაც რომ გასწორებულნი ვართ, აღარა გემართებს რა ერთმანეთისა, — მიუგო  
გაიოზმა.

და დაფიქრა. იმაზედ ფიქრობდა იგი, რად მითხრა ისეთი საიდუმლო სიტყვები სოვდა-  
დარმაო. ვერ გაეგო ვერც რა. ის კი ნამდვილ იცოდა, რომ ოდიშარი უბრალოდ არას  
იტყოდა, უზომელ-უწონელი სიტყვა არ უყვარდა მას, როგორც არც მეტის მიცემა სა-  
ვაჭროში, პირობით დადებულ ფასზედ რამ მეტი.

8.

დიდებული ხაკანი ღრმად დაფიქრებული იჯდა ოქროს სავარძელში, სახე ქმუნვილი. კარგა  
ხანი იყო, მისი შუბლი არ გახსნილიყო თუნდ წუთიერის სიმშვიდით; არც მკაცრად აღ-  
ტყინებულებოდა მისი გული, რომ ჩაეკრო სისხლის გუბეში თვისი ბოროტება, თუნდ უღანა-  
შაულო ადამიანთა სისხლის ღვარებში; აღარც უეცრად მოელჩინა თავაშვებით, რომ აღტა-  
ცების ერთის დაბერვით გადასწმედოდა ჟანგი ქმუნვისა. მახლობელთ ერჩინათ, რამე ცვა-  
ლება დასტყობოდა კეისარს გამორკვეული: ზე აღტაცება ხელური, თუ ბოროტება მკაცრი,  
დაუნდობელი, როგორც ეს იყო იმის შემდეგ, როცა უარი მიიღო ქართველთ მეფისაგან  
შუშანის შესახებ. აჟად თუ კარგად განცხადდებოდა მაშინ მისი გულის ნადები აწ საიდუმ-  
ლო და განსაზღვრული სახე მიეცემოდა მის ხეაშიადსა. ეხლა კი თრთოდნენ: თქმას ვერ  
ბედავდნენ ვერაფრისას, არ თქმისაც ეშინოდათ უარესად.

— გადიყრის ფიქრთა ღრუბლებს, გამოფხიზლდება და მოგვთხოვს პასუხს ყოველ საქმეში,  
სახელმწიფო საზრუნველის გამო ყოველგვარისა. რა პასუხს გავცემთ, როცა არ ვიცით,  
როგორ ვიმოქმედოთ?! გაფუტდება რამე თუ გაკეთდება, მაინც დამნაშავენი ვიქმნებით: თუ  
მის დაუკითხავად ვიზრუნებთ თუნდ სასიკეთოდ, იწყენს, არ დაგიცდიათ ბრძანებისთვისაო,  
არ ვიმოქმედებთ და ეს ხომ დანაშაული იქნება ჩვენის მხრივ, სამართლიანად ჩავგეთვლება  
ცოდვად, ფიქრობდნენ შეწუხებულნი კარისკაცი.

და არ იცოდნენ, რა ხერხისათვის მიემართათ, რომ გამოერკვივნათ მბრძანებელი ფიქრთა  
ესე ხანგრძლივი ბურუსისაგან. მიგზავნეს მისი საყვარელი ხუმარა, რომ სხვა რაზედმე მიე-



ქცია მისი ყურადღება; ვერ გასჭრა ხერხმა: კეისარმა ანიშნა თანხროსს, გაპარულიყო და მისი  
 მპართეს ღრმად მოხუცს დემურის დაბრძნობილს, ოდესმე თურანელთა მეფეს კახეთის მთელ  
 ხთალი ბედის გამო ხაკანის კარს მყოფს, მის პატივსადებ მრჩეველს, რომ მას გამოეკითხა  
 გზაგაუგნებელი სიძმაალის მიზეზი. ვერც ამ საშუალებამ იმოქმედა: ხაკანმა აგრძნობინა  
 მას, რომ უდროვო იყო მასთან სადარბაზოდ შესვლა. მიჰპართეს მის ცოცხალ სავარდეს,  
 მშვენიერთა კრებულს, რომ მისი საყვარელი მეუღლეების შემწეობით გაერკვიათ სავალი  
 ბნელით მოცულ არეში: აქადაწაც უიმედონი შეიქმნენ: ეშხი დაჰშოდა ვაჟკაცს, არ ინე-  
 ბა საუკეთესო ვარდთა ყნოსვა; ისე მკაცრად გადახედა სხეულთა სიმშვენიერეს, ნაზი ფურ-  
 ცლები შეაქცნო ზედა.

— ეს იმ დღიდან მოხდა, რაც კოლხიდელი სოფელგარი იყო მბრძანებელთან, არ უნდა  
 შაგეშო იგი მარტო, უნდა გედარიალებინა, — უსაყვედურა ვეზირს მთავარ სარდალმა ბღუ-  
 ჩანმა.

— ვეცადე! თითონ კეისარმა ბრძანა მასთან განცალკევება, — მიუგო ვეზირმა.

— აუცილებლად საქირთა მეფის გამორკვევა შავ ფიქრებიდან: დროა გასცეს სამხედრო  
 ბრძანება. უკვე გაზაფხულდა, გზები მალე გაიხსნება და შესაძლო შეიქმნება ფართო სამხე-  
 დრო მოქმედების დაწყება აგარიანთა წინააღმდეგ; ძალიან მოიწვევენ წინ.

— ძნელი ის არის, რომ ორი მხრიდან მოდიან; თურანით და კავკასიონით, გურგანის  
 ზღვის აღმოსავლეთ და დასავლეთ ნაპირებით.

— სამი მხრით! საქართველოსაც მისთვის ებრძვიან, რომ იქიდანაც გაუახლოვდნენ ჩვენს  
 საზღვრებს.

— მით უფრო ძნელი.

— არ იცი, ვეზირო ბრძენო! სწორედ ეგ არის ხელსაყრელი: ცალცალკე დავაპარცხებ  
 დაყოფილ ძალებს.

— შესაძლოა! ეგ შენი საქმეა, ბრძოლაში დახელოვნებულს. მაინც არ იქნა, ისე ვერ  
 დავძლიეთ აგარიანნი, მთლად მოსპობოდათ ხაზარეთისკენ მხერის სურვილი.

— არც თუ წაუხალისეთ იგინი ჩვენთან ბრძოლაში. მთლადაც ჩქარა მოვსპობთ მათ.

— სრული იმედი მაქვს, ბუმბერაზო ხაზარეთისა!..

— უნდა გამოვარკვიოთ მბრძანებელი ამ საკვირველ მდგომარეობისაგან საშიშისა! შენ  
 უნდა სცადო, ხადუმთ უხუცესო: გაგზავნე მასთან ყველაზედ მშვენიერი მისი ცოლი; მო-  
 ულაერსებს, ეშხზედ მოიყვანს ვაჟკაცს და სხვა მიმართულებას მისცემს მის გრძობათა  
 დენას.

(შემდეგი იქნება).



რედაქტორი:

სარედაქციო კოლეგია

გამომცემელი:

სრულ. საქართ. მწერალთა კავშირი



ქართული  
ნაციონალური  
ბიბლიოთეკა